



15
1301
18



門 15
號 1301
卷 18

唐文拾遺卷之六十一

榮祿大夫三品頂戴前分巡廣東高廉道加四級臣陸心源輯

闕名九

上柳學士書

某謬至顯榮皆承闕乏昨者璽書慰勉蘭省遷超雖
上意欲壯於軍威在外臣轉深於官謗此皆學士曲
垂獎會潛為扶持繼音容於北風為主人於東道況
兼姻媾早接清華推魏公感外家之情用何氏奉諸
姨之敬念深外妹亦愛愚夫不然則安得道已隔而
分更敦官轉尊而志愈下藏之不忘佩以彌芳思奉

昭和十年
二月十四日
購求

卷六十一
冰霜邈同雲漢仰計亘霄路於高閣隔人烟於禁垣
嘯傲霞高從容日近閑揮綵筆時弄紫泥益彰叔口
鸞鶴之恣轉映王恭神仙之狀便當乘口灑氣濯弄
瑤池秉陰陽之鑪錘輔天地之橐籥異時獲賜今日
先知瞻望風猷常在魂夢某再拜

雲麓漫鈔

上柳侍郎書

侍郎頡頑重霄騰稜迥漢刻名仙館絕跡人寰潤飾
洪猷承迎中旨金莖瑞露雲表先嘗玉輦靈桃惚間
暗識方茲獨步誰敢爭衡况藝奮神工時推妙翰鳳
鸞異態龍虎殊姿白首何人墨池誰子後生是畏前

聖有言若非思與神凝韻無俗累則安能致茲道逸
超彼等夷窮鍾蔡之楷模入王羊之閫域往者韋相
公嘗謂侍郎能以書諫者今則行執陶鈞坐登台輔
終提一筆以絕百僚後之來者延頸而俟某素無勳
效叨濫寵榮一授藩垣兩遷官秩猶以處牀操扇粗
識孤虛跨馬彎弓未爲遲暮誓將丹懇以奉休明所
冀侍郎猥錄孤微終垂庇遇使其晚節無愧平生下
情云云

全上

案雲麓漫鈔云柳公權親筆啟草前輩俱跋爲柳
筆但啟中有筆諫之語豈他人上柳啟而自書之

耶愚案公權歷官工部侍郎學士承旨雲麓以為他人上誠懸啟是也今收入缺名

使至帖

使至得狀為慰五月中楊慶迴已遣書此不一一付

白彤所七月十二日無事勿專使人來寶真齋法書贊

奉禮帖

褚奉禮謝世法當口憾度越中書人零落殆盡遠公

夙德不可接對但時復看古帖窺先賢之跡以遣日

而已同上

不倦帖

筆硯用來多時漸欲調適殊發人書興若不醉有目疾亦到暮書之不倦也同上

清慎帖

李玄胄曰先帝問口口口口者何先或對曰清固

為先次復問吾吾答詔曰清慎之道相須而成必不

獲已慎為大也清者不必慎慎者必自清亦由仁者

必有下全

神州等第錄序

天府之盛神州之雄選才以百數為名等列以十人為首起自開元天寶之世大歷建中之年得之者搏

躍雲衢階梯蘭省卽六月冲霄之漸也今所傳者始于元和景戌歲次敘名氏目曰神州等第錄

唐摭言

善興寺舍利函記

大唐顯慶二年歲次丁巳十一月乙酉朔十三日丁酉於桂州城南善興寺開發建立此妙塔七級聳高十丈至顯慶四年歲次己未四月丁未朔八日甲寅葬佛舍利貳拾粒東去大口三十餘步舍利鎖寺普共法界一切含識永充供養故立銘記

十二硯齋金石錄

裴琳德政記

朝請郎檢校令上騎都尉河東裴琳字元瑤儒

字缺五

兼口河汾派其口口口辟温其風雅曾祖矩隨仕黃門侍郎皇朝任戶部尚書安邑敬公厯政三朝朱紫遞襲儀表海內國史詳焉祖恭道皇朝任

字缺五奏口

闕廷風韻韶朗賢才允屬德望攸歸父承亮文筆秀異光彩射人雄略挺生英姿邁俗以孝廉擢第俄授朝議郎行口口口軍尋遷洛州司功參軍事屈斯一德佐彼百城冰壺皎其從政霜劍方其斷割君卽府君之元嗣也以門資解褐授定州望都縣丞去長安二年秋九月匈奴大侵邊防禦大使薛公持節訪察以鹿泉地連雲朔口險須材遂委君以莅之君伯祖

崇道口敏有大口義甯初持降墨制委之坐鎮本縣
 令今君又嗣之劉靜父子代口廬江馮口弟兄更臨
 上郡量德技義彼實多慙其年檢校官奉勅摠停君
 則隨停例也百姓眾庶而謀口我君去矣人斯悴矣
 若不口命而詣闕乞留口道路相屬奉長口三年四
 月勅元瑤清平化俗奉法無私人不忍欺吏不敢犯
 綏強撫弱憫孤恤窮禮義興行生業修理特聽修舊
 檢校夫以口居上察空聞編庶之謠康理元城但有
 尙書之奏豈夫黔毗屢請紫誥頻臨禮義因天煥發
 揮以激爲神明贊豈同年而語者哉

常山貞石志

唐石堂山高涼靈泉記

昔徵缺十子初缺十門缺十或口石缺六山泉
 之秀缺十開皇中口字文口口二缺六容缺六之間
 其後口口惟新缺七或缺五香口口所求福祐多缺八
 字有託焉轉口口請口獲其驗缺十因於舊基而立
 莊宅尔其山崖缺五涼近而不諠幽而不野實人間
 之佳境仁智之遊從也朝散大夫清河崔府君諱融
 地光軒冕德茂芝蘭澄爽口以含秋映清規而吐月
 詞峯意而包涵枚馬之前書因發揮口口之內旁求
 谷口化謐不言緬想齊郊惠口口狄故得口口屏而

仁義成犴圉清而哥詠起夫人榮陽口氏瓊榦金枝

榮鏡海內蘭姿蕙問馳騫域中缺五懷無玉葉乃相

與單車而適野祈告于石堂山缺四致誠挹清流而

絜敬歆然有感卽事可追徵蘭之缺三日口口月府

君以爲明靈之不欺宜其如在乃命立碑口口而傳

祀焉其銘曰

崇崇隆正滴滴玄流惟神是宅惟道爲迷缺六洞幽

明明宰君厥德惟醑神之聽之其從如雲夔然府口

垂之萬春大周久視元年歲次庚子十一月三日造

金石苑

董日進造石浮圖記

口力增明善牙宿植同捨淨觀修未來因於此招提

敬造石浮圖一所上爲皇帝中報四恩十代先亡見

存眷屬出生死海入功德林澤及無邊一時成佛天

寶十一載八月十三日建常山貞石志

殷審續造石浮圖記

浮圖主比丘尼貞固淨福寺尼正觀右識性冲融行

惟謹卓心常不染志在无爲以戒是功以經爲務處

世間而世間無著雖在家而不異出家頃爲去載四

大乖和陰陽失候藥而不效療亦無瘳發希有心願

造此浮圖一所奉為皇帝皇后聖化無窮師僧父母
永保安樂法界有情口得利苦俱登覺道天十一載
三月二十八日建常山貞石志

唐益州學館廟堂記

上文翁為蜀郡守始趨文學缺十堂缺初聞時逢百
六烈火口災堂及口口二缺七唯石室獨存至東漢
興平元年歲缺名堂為周公禮殿其堂壁上圖畫上
古盤古李老口口歷代帝王之像梁上畫仲尼及七
十二缺中益州刺史張收所畫今檢口皆缺七軍缺
字有口口蜀中口二缺楹有書更精妙甚可觀口有

能缺三欲缺十此久缺益州刺史劉俊所畫耳東石

室北壁有晉義熙九年刺史朱齡石口口高缺二晉

益州刺史新淦縣侯羅浚所樹其一口齊永明元年

刺史劉俊缺前文字磨滅時代不得而釋矣案廟堂

東南柱上鍾會八分書題缺六會缺鑿度開建泮宮

立堂布觀至壬申年故府梓潼文君增造口寺二百

餘間四百年之缺失命烈火口炎一都之舍官口寺

室同朝變為灰燼獨留文翁石室廟門之缺口涪樂

興則國化郡將陳留高缺六斯十育三載缺六塗炭

缺文叅古久已訛缺此不備舉其初平即獻帝之年

也獻帝靈帝之口 中平六年歲在己巳立缺十二月
 改永隆元年一歲之中三改年號口年歲在庚午改
 為初平元年至五年歲在甲戌又改為缺時火德浸
 微天下喪亂西蜀僻遠年號不通故仍取舊名為初
 平五年也四年歲在癸酉五年歲在甲戌缺漢書年
 歷興平元年歲在甲戌乃與銘記相符合俞疋釋天
 九月為旻天以此推之即知此堂缺分崩海內雲擾
 聖皇膺錄克定中原吳蜀未通聲教尚阻大業十三
 年冬十月已缺五年推於初平皆此例也自興平元
 年至大唐永徽元年凡經九代卅八君四百五十人

缺門竝從炎燎東漢太守高映因其舊基重復修立
 自尔迄今多历年所逮西晉至于宋齊之間缺於後
 儀刑禮制法度可觀然其此堂原以竹瓦上棧年代
 既深竹瓦漸將摧折今銀青光祿大夫缺爰應綸言
 述口口漢宣贊皇猷鎮茲雅俗敬遵朝典撫綏黎庶
 導德齊禮學教興缺茲七稔愍斯崇構恐致傾危因
 率所司共加修繕粵以永徽元年歲次庚戌二月庚
 午朔卅日己亥分缺門遺更具材瓦以口為像將歸
 傾頽竝增塗飾其棟梁結構漢時舊制及晉世已缺
 字缺不墜昔柱史違周苦鄉之祠口泚宣尼口魯

闕里之廟口高是知至德口芳先賢口口所以缺冊

籍紀其年月以為斯記其在位寮案爰及部司竝題

氏族勒名於後庶以懸諸日月永永口口者歟石刻

按此記後人于碑陰題賀遂亮撰雖亦見于蘇集

而集古錄以為顏有意金石錄以為姓名殘缺不

可考姑入闕名

明覺寺持律比丘尼心印記

粵以梁國郡高氏台息有女如雲匪我思存是大道

之法象為真如之律身知涅槃之安樂表世界之苦

空返迹潛道歸戎至尊道尊德貴空寂亡神守律虛

院三年化躰躰氣去至劫劫生天徠住來依仏仏連

聲悲夫魄無華月之光魂有法明之至故以法華之

理而歸妙焉乃以大曆十三年歲次戊午正月戊申

廿七日甲戌於上都而長安承平鄉瞻仰至尊俯臨

仏位爰命下才斲石刻記十二硯齋金石錄

王二娘造石浮圖像記

若夫梵帝難名靄慈雲於火宅仁王易悟縱法舸於

灰河莫不汲引四生津梁五蔭故知三千大壘終摩

滅而為塵百億口天蓋成散而無定仏弟子王二娘

親歸蒿里靈痊松門傷白日之長辭痛黃泉之不夜

知色身之若影暫像須臾悟四大之假形合離俄爾
遂乃抽茲口寶割此淨財等尸毗之飼鷹類道林之
養馬今爲亡父母敬造石浮圖一所上有阿彌陁像
一鋪今見成就其像玉毫流彩卅二相之光姿金體
成輝一丈六尺之儀好何者三乘蓮目與華殿而齊
明十堊霜頭共星宮而並耀上爲皇帝下及蒼生同
出愛河咸登彼岸 維大周久視元年歲次庚子十
口乙巳朔廿三日丁卯 缺所記石刻
唐觀心寺禪律故尼大德墳前尊勝石幢記
大德續姓裴法號惟徹孟州人也童子出家住持此

寺口口經口嚴約在身戒行常持終天無缺大師善
因宿植天生法芽金口口宣元遺不攪奈何大運有
日掩化有期去大中二年遷化於當寺卅六夏春秋
口五當便擇吉口口葬於河陽縣鹽坎北坡子弟三
三人上口義達次慶宗次元操准教使口置一虛塔
今世僧尼多是贅塲爲之尋恐墮壞起堅宰於石子
弟等日夜寢食不安各咸口口口同造此幢伏願
和尚華資切德蓮華代生般若舟中常遊法海見存
子弟觀心不二同證菩提今生來生共同佛會乃爲
讚曰

卷之十一
十一
十
陀羅尊勝諸佛秘門破諸地獄能離垢塵建資幢讚
用濟幽魂巍巍不朽万古千春

孟縣志

尊勝陀羅尼經幢記

唐咸通十年三月癸未九日辛卯口內奉先考府君
遺言於當縣永安禪院前建立幢兩所功德至當年
內各得成就福資主蘇州嘉興

缺五

嘉興府志

唐重修化城龕記

法性本空至無邊際之寂滅如來大覺恐不悟者默
耳沉輪是乃廣設多門立斯緣起現巍巍之聖不動
不搖任生死之真容證天證地唐唐金質俛仰者無

不罪銷湛湛法身稽首者齊增慶祐洎我佛歸化龕
毗若飲淄而何求賴遺教以留儀許乎瞻禮今化城
龕者乃化現之所示也後俗奉靈蹤達信玄誠雕龕
遍谷河沙神聖隨鋒劔以眾會于雙林百億如來降
威儀偕歸於萬室事滋年代累厯歲寒或風雨所侵
或埃塵所昧隴西公以惠慈立志愍達肅心依仰正
真栖奉咸切牟尼大聖千佛彌陀地藏觀音極樂眷
屬皆沉古質普換神容乃石髮之所泐挂藤羅而拂
觸使留迷萬字髻失寶珠莫明五彩之相鮮愧以六
銖之更易公乃凝去聲情盡上聲日快悻踳歎感于三

步不能進遂以祿中減美弃華裝備青蚨之八十餘
 千繪聖賢之二百五位費得精誠儼肅靈質昭然相
 性圓明威德自在感世寰所視喜若祇園振天帝之
 窺何慙金粟斯人臣之道著文德而是脩則業果之
 因以菩提而積善公即保持大法捷仰正宗捨五慾
 之愛財裝嚴何百靈而不衛護善哉勝事深助良緣
 永乘不朽之功必降無疆之聖感滋瞬日用述紀懷
 光啟三年口口口月二十有一日成就明季正月十
 八日齋慶畢繪土布衣張萬餘金石苑

唐寶禪院造象記

竊聞大像出現與日月之同明生在普願即堅千身
 萬化靈力無邊口缺驗獲目前愚迷不辯有苦千缺
 字白刃到孟津始擬造舩人缺田三業有報伏種
 何緣急缺勒佛前僧人窠劣偏憎莫缺盡歸泉
 略標立記永鎮此缺軋符四年十月二日造佛捨俗
下金石苑

秦府十八學士寫真圖記

武德四年太宗皇帝為太尉尙書令雍州牧左右衛
 大將軍新命為天策上將軍位在三公上乃銳意經
 籍怡神藝學開學館以待四方之士乃降教曰昔楚

國尊賢存道先於申穆梁園接士比德至於鄒枚咸
以著範前修垂光後烈顧惟菲薄多謝古人高山仰
止能亡景慕於是芳蘭始被深冠蓋之遊丹桂初叢
廣旄俊之士旣而場苗蓋寡空留皎皎之姿喬木徒
遷終愧嚶嚶之友所冀通人正訓匡其闕如側席亡
倦於齊庭開筵有慚於燕館屬大行臺司勳郎中杜
如晦記室考功郎中房玄齡及于志甯軍諮祭酒蘇
世長天策府記室薛收文學褚亮姚察太學博士陸
德明孔穎達主簿李玄道天策倉曹李守素秦王記
室虞世南參軍蔡允恭顏相時著作郎記室許敬宗

薛元敬太學助教蓋文達典籤蘇昺等或背淮而致
十里或通趙以欣三見咸能垂裾邸第委質藩維或
弘禮度而成典則暢詞學而路風雅優游幕府是用
嘉焉宜可以守本官兼文學館學士及薛收卒徵東
虞州錄事參軍劉孝孫入館尋遣庫直閻立本圖形
貌具題名字爵里仍教文學褚亮爲之像贊勒成一
卷號十八學士並給珍膳分爲三番更直宿于閣每
軍國務靜參謁歸休卽引見論討墳典尚畧前載考
其得失或夜分而寢又降以溫顏禮數甚厚由是天
下歸心奇傑之士咸思自効于時預入館者時所傾

道雖持孝心□父天母地生我劬勞欲報之恩昊天罔極發無□之願崇有果之日成就法□□苦□上為文武聖皇帝下□師僧父母眾共虔心敬造石浮屠一所訪缺五九泉缺二虛心下缺三字同上

唐張公□造像記

上缺 瞿曇二者不詰乘乃缺兮缺三福而禍淫乎為塲顧而缺七老耄二教既北一乘斯南爰因玉壘移妙檀龕劔□□層他山別初龍門髣髴巴水分潭閱川增感受樹餘甘既繼組而謝病將勒銘而愈慙真相豈渝於石劫金顏永灼於山嵐缺銘曰

上缺 裕述而不作人其謂何爰□□音式光缺隔婚姻之故遠託斯文况缺三已賓跡缺列垂缺三像雅好幽閑□□可上濟缺范陽張公□茲因華缺功德山是龕為之覆□□行而為一缺邑里真儀璀璨以增缺四而缺咸與□□乃鑿嶙缺六峭絕缺四身下刻石

唐造像記

上缺 幽苦攻金攻玉式傳□身威神力約缺擬陳郡袁通恭恪成性操□行約缺命今也則亡刑于寡妻撫爾約缺人之產賄當□之工儀形金仙追約缺聖

像口開毫光天龍儼然勢未約缺誰能敵之期乎廓
冥路之脉約缺闢闕君子若日銘以志之頌曰約缺
睚眦神功潛運脫苦業不騫不崩下十一月五日畢
金石苑

趙仁珪造釋迦象記

且夫天道缺谷之有變遷口口莫缺豈威威神之力
哉是知妙法之缺憑悟福因之可託上為天缺法界
七代先亡及口口敬造釋迦石象一鋪在本村東一
里缺壁之區宇也而前即念德缺宮却際丘墟崎嶇
缺途之廣缺牽順口之商車口接缺卅二之毫相八

十種之握缺則理邃幽玄道口冥缺口希夷宇宙之
外化兩儀而獨尊非有非無豈口德之缺測不生不
成詎庸鄙之所知聊且略以言詮未可窮之於短筆
常山貞石志

懷州河內縣西金城創修功德院記

本村六班奉職張漸西班小底尙友直稅戶衛跋張
成各發虔懇為維那首於庚戌歲三月念二日建此
功德院一所越有本村稅戶張用愍見杜婆神左是
碑聖像日陽暴露風雨摧剝因觀此院西南隅隙地
一方特舉願心自備瓦木修斯碑亭功畢遂遷于茲

以爲功德未圓更與衛最弟彥各捨淨財同募石工
補完舊像工曰尊容殘缺難施工巧於是回裏作表
別刊是像一切聖賢燦然俱新相好端嚴慈容若動
可謂良工者哉伏願脩此功德之後遐邇老幼永保
康甯一切時中諸佛協贊龍華上會每願相逢是年
六月辛未朔庚寅日了畢

續語堂碑錄

肅跑寺經幢

上闕

上柱國思憲遷窆於此國恩以大師□□功深
道業彌著特造院宇將欲建石塔以光不朽爰准教
文非果位卽無立浮圖之理乃議樹石幢聖旨俞允

繇是鐫大佛頂陀羅尼大隨求神咒屹標翠琰遍列
金文作佳城之福田與世人之恭□或諷讀或頂瞻
勝利長存果報無極時天福八年歲在下泐奉立闕
捨錢重立石刻

判官堂塑象記幢

上缺清濁位殊先圓蓋而後方缺才乃臻然後列萬
象於缺厥後繼有聖賢司牧生民育養萬物缺鎮□
□之半千里北則簡子巖缺巨靈□擘破水得潮宗
東則列聖之缺日出□□郡□而迥秀俯眾岫以標
奇迺神缺晉□□□□既而方位各有所司大體東

嶽缺靈缺而致敬洞府三千而見奇玉簡缺知莫能
缺秘宇死生無以易其文故釋典缺形缺罪福之
 源唯神為主福則昇而禍則缺有缺慶而惡招殃宣
 尼令典判官貞缺並缺日齊明真嶽瀆之異靈誠
 軋坤之偉氣生則挺出群之政光煥典書沒則揚下
 世之名輔匡神化茲地也先無寶缺空隙有年缺
缺蕪缺為茂艸缺等恆遵五耀忝缺不能擇
缺以見從豈敢缺而自各遂同鳩潤屋共缺囊裝
 爰召籽人卜時締構堂宇既立廟兒得與命匠者審
 運丹青澄神繪塑遂於堂內塑六曹判官并神鬼侍

從及壁上隱塑變相等威容既立不聞鳥鵲之喧聲
 棟宇方成似見雲雷之出去為一方祈禱之地實千
 年請福之場缺得犧牲並陳水陸缺薦楚人白雪全
 非鄭衛之聲趙缺歌總入齊韶之韻所賴休牛放
 馬咸懽堯舜之缺萬戶缺禹湯之化時大周廣順
 三年癸丑歲七月一日建常山貞石志
 蜀報國院西方并大悲龕記
 夫慈心廣大宏願殊常開塵勞煩惱之門啟解脫菩
 提之路恩憐三界慈念四生缺使登場煦令證果斯
 則無量壽尊也因地之時於世間自在王佛所發四

十八願□□有情願力既宏遂證佛果尊居淨土利
濟含靈無數聲聞皆來聽法百億菩薩咸願傳經寶
鍾擊而聲貫玉琴金磬響而韻含仙籟天人就席竟
求解脫之源緣覺趨筵欲究真詮之理瞻仰者咸臻
異慶修崇者必邁良緣宏斯莫大之因又同鴻休之
善則有簪裾盛族禮樂名家傾自讚佐令衙超騰臧
□莅事未聞於曠祀輸誠夙播於廉明令望昭然聲
猷著矣泊休事務散逸林泉遊心於覺苑之中傾意
於福田之內知身似芭蕉不永悟躰若蘭槿非堅歌
樂懽而暫時聲色追而非久遂命良工也鐫呈西方

妙相并造滿願大悲當來希佛國會中咸使受菩提
記剝院乃遐兮四遠峭然千尋山突崑而交橫石逕
纔崑而匝迤於是瓊樓寶殿迷皓月之輝華珠牖玳
窻奪流霞之彩錯欄楯綴七重纓絡堦墀鋪百種珠
玑仙女持花似墜苦空之艷鈞天樂奏唯傳无量之
音花雨零而鶯鷓飛蓮渚平而鴛鴦浴金沙玉磧恆
聚化生象閣瑠臺戲諸禽鶴瑞煙罩樹難分寶網之
紋麗日融軒交雜筠簾之影歷其浩劫豈幻死生依
歸清淨之御永奉白毫之相雕鐫告畢粉繪云周將
窮願作之功是罄披宣之懇伏願可元自身康吉灾

星不撓於行藏夫婦咸安諸佛匡扶於動止闔宅少
長並保又甯內外校羅盡期繁盛既刊金石俟顯讚
楊

萬法視相三身本空有爲皆貫無願不通霞明翠岫
煙霽孤松巖鋪皓月壑引清風爰有信士早悟真詮
思崇妙福乃結良緣遂鑄變相保祐壽年斯設既畢
永鎮金田金石苑

花塔寺玉石佛座題字

開元十五年和私皇后四月七日忌高祖神堯皇帝
五月六日忌太穆皇后五月廿一日忌太宗文武聖

皇帝五月廿六日忌十八日開十六年昭成皇后正
月二日忌和私皇后四月七日忌高祖神堯皇帝五
月六日忌太穆皇后五月廿一日忌中宗孝和皇帝
六月二日忌右已上九忌同造玉石像一區日光座
舉高九尺常山貞石志

佛頂尊勝陀羅尼石幢讚 并序

佛頂眞言者釋迦爲善住天子說也善住驕逸恣惡
從心行犯十重罪當三塗空靈告曰受諸惡身驚白
帝釋願雪前愆帝爲之稽首釋尊於是聖人發大
慈悲□□遠照得陀羅尼名曰佛頂哦此眞言淨

生死障碎地獄闍拔□惡之趣□無爲之地是殞伽
佛說如來智印之所爲也摩尼眞寶未足同其功日
焰照徹豈得等其妙實救苦良藥非凡情之所測河
陽部內厥有聚落名曰長澗於中招提淨院花竹茂
然弱柳乘緇蔓藤架帶眞人談無爲之教長者眾集
其中相謂曰我輩年多如今可革前非捨故逸轉善
行何法可以消災殃長福利或曰佛頂眞言不可思
議宰堵波塵尙能代罪居士皆言曰宜共建石幢乎
人咸曰休哉於是召良匠揀寶石議助□□財計
日而訖字缺六如玉之□□之□其峻也奮錘則朱

火迸空震□乃雷字缺五若荆山片玉淨無□□磨礱
成砥平無玷缺其文錯落龍□□峙點畫分明□□
□石其□□立若天壇之聳高四面削成如華峯
之峻拔龍蛇交映舍碧海以連空采飾垂光發朱輝
而耀日功成潔齋以慶之是日也叩洪鐘陳香饌隣
邑雲□門眾雨集八音□妙奏□□之聲四眾圍遶
發菩提之願眾君子□其功宏其目也博若無歌詩
何以表當時之心若無論撰何以示後來之德諸君
子謂余曰子□其文能爲□□□之□日乎□無
其請尙可與之況有所請其可違乎夫續述者銘其

功烈以示後人搜賢行揚善名公等□□□用□□
功之巨其念□□念□□之法永□永樂□之能可
大可久□之德□□□予乏作史之才無褒獎之能
強敘本事讚之云爾讚曰讚語約半行缺太和五年歲次辛
亥四月己巳八日丙子造石刻

題賈浪仙讚

惟可與島交情合道吟水望月不知其老島可與清
句□詩精流行此集四時代成世不得失人不得平
大哉浪仙雲山是營

又讚

長河流岸葬久太行前少室後

並席本唐詩長江集

佛象讚

上缺既往福壽常增乃勒貞珉紀其讚曰

真如無相有感卽通所習情異其歸性同立像雖廣
亦法亢空洗滌煩惱徹去昏蒙心不染着身成淨土
真非有爲法亦無住□顏至精佛威潛護功德莊嚴
福齡永固大唐光啟四年歲次戊申正月八日丙午
興建常山貞石志

者矣以麟德□□歲次甲子去九月辛丑朔廿日庚申合村等深窮法性體悞無生知妙果之易登識善因之寶樹故能追往賢之勝軌作來際之威儀遂迺異力同心敬造石碑像一區金城之所置也東眺長川則有漢陵相望西瞻峻岳尼父之室歸然南顧湍流沁水間其側北臨陂淖魚鳥或浮沉彩雲月以友疑對大行而寫目其像紺眼流睇湛碧海之清瀾月面浮暉滿金波之淨彩建毫倫於額上晒萬字於胷衿摠十力以降魔照三明而導物因此善根資益合村願□□剛玉體度劫火而常存無漏智燈越芥□

而壽命上爲皇帝下及有情七代先靈存亡眷屬莫不俱會勝因咸登覺路乃作銘云

悠哉正覺皇乎膺身筌蹄靡際游泳無津闡揚妙果宏宣勝因救茲生滅拯彼沉淪感發真俗汲引人天千尊往記八會來緣城空芥盡石滅灰□渺渺沙界悠悠大千方憑妙力永濟無邊

非見齋碑錄

大周相州安陽靈泉寺故寺主大德智□師像

塔之銘

并序

法師諱朗字□智俗姓王氏其先周靈王子缺四字鄴城人也□祖惟禰芬馥禰禪師生□神□□塵濁

年七歲投大慈寺主大德起法師□□□誦維經□
□至年十二屬大唐太宗□武聖皇帝廣闢度門傾
蒙缺四弱冠□□□支依本寺曇源律師習毗□業
業□之後又□慈潤寺主大德智神論師學□□雲
□復進學□摩金剛般若并中觀等三經二論□□
源流□□敷揚或研精默識加以純之□一分□溫
於□易象玄文方同三絕老莊素問博泛羣□年五
十□持金剛般若及尊勝咒等各二萬遍文梵音轉
□首出緇□春秋六十有八夏踰卅□□訖於□安
二年六月五日蛻遷識蓋□大□云逝孰不悲傷門

徒大雲寺僧玄皎玄果零泉寺僧玄晤玄暉等攀慕
慈誨思報莫由遂於州西南六十餘里本寺□懸壁
山之陽起塔供養粵以三年十月廿五日□□永畢
塔內便造以彌勒像一鋪圖形奉侍□□事□□□
以跡宣敬託彫刊乃爲銘曰
子晉之後命氏爲王風流遠派爰宅真章父功祖德
令聞令望降生才子玉質金相面樹來白天花肅黃
稻□夙被檀□早芳經泉折玉戒海浮香迦旃妙教
羅□鳴莊嚴壇□頂捨筏金剛□講□誦無怠無荒
積誠□□□心自疆中宗懸解外法通方歌唄特妙

唱導尤長以□□□南北宏揚胚胎有裕利樂無鞅

□□早缺五字輪脫輻消殿摧□□粵有子尚□□師

剛披山建□剖石開堂敬□來聖勒廟亏傍身命有

□供侍無忘安厝既畢銘頌攸彰裨同遵於大道庶

共□□□常安陽金石錄

大唐相州安陽縣大雲寺故大德靈慧法師影

塔之銘

法師諱嘉運字靈慧俗姓劉氏其先帝主漢高祖之

苗彭城人也遠祖因宦遂此居□子孫派流於茲不

絕遂為魏郡人大法師□□□生而奇□早懷慕

□□修真年十歲遂授慈潤寺□大禪師缺八字廣啟

度門□像剃染□本縣□通缺十身知自□□不引

乃缺八朝夕孜孜遂授河南府雋授記寺翻經□□

感茄□□右學解深密法花□王轉女身梵網□□

成唯識供□□三性一乘之妙旨□滿達磨之漾宗

莫不究盡穎深窮其□奧從茲温古道□□新遂得

譽播三川聲聞八水奉勅便留住佛授記子補袞翻

經感法師侍者後蒙本州大雲寺牒充律師教授至

景雲年中屬國家大弘佛事廣闢僧方以聖善初成

□拓碩德以法師道齊林遠業紹□安遂蒙徵召赴

都充其大惠歸□者若霧渴仰者如雲三二年間得
燈無替後為青□色奏請牒□鄉住大雲寺雖解行
罔瞻常懷□□心更投□宗懋法師□□□□
提獎偏授□□經論章□莫不脩□□兩□身重法
不劬勞無所稟承無所持饒益闡法□□何□□□
已□捨茲穢刹嗚呼□□哲人云亡孰不悽感春秋
卅有九夏凡二□□七以開元四年六月廿六日於
汾州平遙縣福聚寺端拱敬生奄然□遷有姪男慈
潤寺僧元晞斯乃出遊子心重離宗情□不憚艱辛
遂涉山途申哀展孝闍毗事畢收骨歸鄉門徒與姪

同寺僧圓滿等師資義重攀慕彌殷思出世之因深
想入道之緣厚傍求良匠遠訪丹青遂於州西南五
十里零泉寺西南懸壁山南面之陽敬想靈儀□為
起塔卽以開元五年歲次丁巳三月辛丑朔廿三日
癸亥□□舍利塔事莊嚴然理因教發事假□陳□
之敘石傳芳不朽乃□□曰
粵有良匠實亦□□紐而捨俗缺四行□□寶築廣
堪珍尊師委命□道□□□缺□拯物遽謂遷神其一
号□者才無缺唯可則此賢利物善缺七道其宜不
忒其二粵有□□□缺雕鏤上依奇岫下墩零泉缺五

美希亦代敬

下安陽金石錄

唐故方律師像塔之銘

律師諱寶手字玄方俗姓王氏其先太原人也後代
 因官鄴京遂宅於斯又為鄴下人焉師道性天稟法
 器神資年十三就當縣大慈寺投大德度律師口和
 上誦法花維摩等經年廿三口神龍元年恩勅落髮
 配住龍興寺依口大德恪律師進受戒品五夏末周
 備閑持口於是眾所知識允屬光隆法侶傾心口任
 當寺律師十餘年間口口理口口身心益靜春秋
 三十有七口口凡一口口五以開元十年三月一

日脫形遷識嗚呼大士云逝孰不悲傷門徒玄超玄
 秀玄英等攀慕慈誨遂於靈泉寺懸壁山陽起塔供
 養粵以開元十五年三月一日安厝言因事顯頌以
 迹宣乃為銘曰

大士攝生不貪代榮堅法幢兮諷詠業典玄章要闡
 隳邪教兮增善法戒累鄣腐敗摧苦輪兮生必歸滅
 悲哉傷哲懷哀戀兮建塔山陽刊石傳芳同上

刹下銘

曹公有悟怖心未已敬造浮圖式崇妙理文詞闡相
 粉黛塗容金刹一樹永出煩籠 開元十六年歲在

執徐首旬有五日建

後山叢談

多寶塔銘

夫朗質浮乾高明無以秘其象真儀括牝厚載安可
遁其形惟□界匠干大海寫浮珠之偈商戎六度□
河啓淨囊之口故得慈航並汎香軫□馳□七永之
沉淪演三乘而弘懿□有郭楚貞昆弟□□夫人
李氏自開元七年受持法華經弟八金剛觀經尊勝
藥師等經每日夜持頌一遍修詞進業躋實謙虛弃
五濁之□□居四海之淨域又捨身裙帔等數□事
造多寶塔一所上為過去下緣見在嗚呼性均泣扇

哀埒跪書故能智炬潛□通四□而外□慧根夙絜
演十頌而齊□□翻灑煩惱之津寶地鏤業因之果
□時營構宇託勝裁規採崑門之名玲琢鍾巖之美
玉霧竦雲立月暎星離類天上之飛來疑地中之湧
□勒以琬琰鑄以琳琅知靈心之冥冥表禪識之蒼
蒼其詞曰
彼美昆弟粵有尊堂攀緣性相經構津梁情□取岱
□□□方□企精進長緣頂王石
唐故優婆姨段常省塔銘并序
蓋聞宿殖勝因生逢政教仰尊師友意達直心學普

敬法門慕不輕密行貞心守志塵俗不污其性情等
虛空證真如之境獨拔愛網猷世榮華口薩埵雄悲
重迦文之妙典火宅之內駕馭三車捨內外之財望
三祇願滿春秋七十有六以天寶八載九月十日卒
於私第捨報歸林以天寶十二載建塔於茲知神魂
而不固其詞曰

妙慧歸真德超上智慈悲起行忠孝無二敦故重新
心存剛志宿殖德本動靜合理石刻

唐故福林寺戒塔銘 并序

大德具戒焉元和尙金口將贖而之畫衣慙懼也以

至感蕩視祿未嘗犯者信生于手鄉可約束至顏氏
子也西方聖人設戒二百五十俾隄限身口徑眾生
死今言法者發喉舌鎬鎧其人我性釋氏徒毗尼者
雖不輒乎意地而形骸之外是釭是輻大宅煽煽羊
鹿効駕亦各也視中夏聖人刑自墨數三千或和尙
出家之維乎不然和字德口相如夏五十七置幢于
積祖師能孕業人戾垢不嘗口口口非延熒口口口
之賓賓然不差淨觸噫法廣缺九族龐氏京兆興平
人葷腴及缺九產吮而不啼慙而始誰竇氏缺九日
滋善種得度繇于慈悲跂缺九及多羅經脞頽碩請

介處不饒

字缺八

禡法界也其年其為泥人若射

字缺八

箭也至乎眇生死之流闌身口

字缺八

之歧其在毗尼

乎多羅經五行

字缺八

下次授萬化不可窮極居山雪

首

字缺七

百雋苔色其下揭卑夜形偈荅不

字缺六

大

廈故鼓地之桐也會昌六年正月十六日建

石刻

至... 千... 我... 千... 至...

大周穎川許乾為修業夫人故東海徐氏龍門

山石龕像碑銘

并序

夫須彌口上空留梵帝之宮闔岨口口獨有如來之

口口口山者蓋亦寰區之勝躅造化之奇功昔口口

口伊川是名伊闕也爾其巖口口紉之壯溪谷口口

口之狀上岑崱鬱律下口嶧以波陲俯控龜口口口

口口口像口口口而口口口口口口口口口口

屏口口碧洞千尋若畫四面如削既而峯口口口竦

兜率之樓臺松竹羣吟韻諸天之簫管非夫輕口口

口欲凌霄漢者焉肯攀陟而宅之非夫口口口口欲

擯蹶煩者何能拙託存之有清信弟子許乾故□□
妻徐氏發慈悲之善願捐寶貝之珍□就此仙巖役
斯靈匠爰疏石壁敬勒金容造等身救苦觀世音菩
薩一鋪今莊嚴具足法相圓明□居士之真圖盡將
軍之妙範星豪迴闕即映星龕月□□開還臨月□
若隨緣而現顯似應物而觀聲大矣神功邈乎難測
庶望刊山不朽刻石長存壽□二儀貞逾万古仙衣
縱拂巍巍之相罕虧劫火雖燃種種之形詎滅乾以
鸞傷寶鏡鶴怨瑤琴□□詠以長懷對莊歌而泄涕
嗟乎盈盈綺質灼灼芳年試學吹簫新工點黛奄從

蒿里空閉骨於□□忽弃蘭堂罷齊眉於華屋遂使
川魚獨泳林鳥孤飛撫荒壟而何堪慟幽魂而靡及
所願仰憑□□潛祐沉冥廣被鐵圍普覃砂界同遊
法水卽泛慈舟共蔭禪枝便觀淨蕊躡香蓮而捧足
居□□而依身□魂銷鬼國之災諸佛契龍宮之福
智燈將鑒昏室常明覺劒纔揮耶山永破輒抽惠□
□展哀襟□□彈豪傳於勒石其詞曰
赫矣慈觀悠哉□□□持妙覺來鑒重昏怨賊□□
□人卽存□龍雲散妖鬼雷奔其訪寶遐驚浮舟遠
歷遇火不□□□不溺瓔珞空受珊瑚可□□教恢

恢□□寂寂^其聲超象□化逆龍桴目連青色眉白
 光言□□先伏魔王無邊功德不□□□□□^其有
 □□乘而悲俗網逝川迅速頽曦忽□藤鼠鎮綠隙
 駒□□發引誓願常若瞻仰^其爰□□域乃□□峯
 絕壁千仞迴□万重巖標鳳刹谷應鳧鍾淒淒霧□
 落落風□^其碧磴憑霄丹梯跨險綺莖□□瑤楹霧
 掩仙□時來躡埃莫染聊舒情於奮筆永□□於貞
 □ 萬歲通天元年□月十一日造也^{石刻}
 按拓本首行序字下有其文二字可辨下彷彿存
 許朝二字左半餘泐未敢遽定為朝作姑入闕名

唐武德禱雨辟邪鑛鐵鏡銘

鑛鐵作鏡辟大旱清泉虔祀甘霖感魅孽當前驚破
 膽服之疫癘莫能犯雙龍嘆略垂長領回祿睚盱威
 早歛武德壬午造辟邪花鑛鐵鏡

唐宮鏡銘

粉壁交映珠簾對看潛窺聖淑麗則常端^{湘煙錄}

唐鳳皇鏡銘

對鳳皇舞鑄黃金帶陰陽各有合日月恆相會白玉
芙蓉匣翠羽瓊瑤帶同心人心相親照心照膽保千
春西溪叢語

鐘鏡銘

人有千口前牛無角後走有口

唐二十八宿鏡銘

長庚之英白虎之精陰陽相資山川效靈憲天之則
法地之寧分列八卦順考五行百靈無以逃其狀萬
物不能遁其形得而寶之福祿來成

唐璧水鏡銘

規逾璧水綵艷蘭缸銷兵漢殿照瞻秦宮龍生匣裏
鳳起臺中桂舒全白蓮開半紅臨莊竝笑對月分空
式固貞吉君子攸同

唐滿月迴文鏡銘

明逾滿月玉潤珠圓鸞驚鈿後鳳舞臺前生菱上壁
倒井澄蓮情虛應態影逐粧妍清神鑒物代代流傳

八卦菱花鏡銘

憶彼菱花萬形惟肖無迎以將有明而照余曰反視
惟公何負嗟呼虛心媿者忘怒

唐素月竟銘

光流素月質稟玄精澄空鑒水照迥疑濤終古永固
瑩此心靈

唐透光鏡銘

透光寶鏡僊傳鍊成八卦陽生欺邪主正

唐鑑心鏡銘

貌有正否心有善淫既以鑑貌亦以鑑心金石素

大唐故騎都尉濮州濮陽縣令于君之碑

君諱孝顯字犀角河陰河南人也肇自赤雀栖戶白
魚躍舟時經百代歲逾千祀崇基緬邈與嵩岱而齊

高華胄芬芳共蘭蓀而並馥廷尉以陰□□□名播
漢朝將軍以陷陳揚麾聲流魏室自此琳琅接耀軒
冕連陰雖張湯之七葉珥貂郗鑒之四世台鼎方之
蔑如也曾祖提魏孝文以勅勒地居□□氣接幽都
陸梁狼望之前掘強龍庭之外遂授公節鉞奉使宣
威公喻以存亡示其禍福勅犁額樹頌獻馬稱藩
主上嘉使乎之功授以征北將軍□西太守自魏歷
將終周圖已兆先臣舊佐咸加爵賞蒙授使持節太
傅柱國大將軍封建平郡開國公從班列也祖瑾周
太師三老尚書右僕射柱國燕國公謚曰文巨川舟

楫鼂鼎鹽梅燮理陰陽寒燠無急舒之變弼諧王道
政令有清淨之歌父禮周使持節大侯正大將軍趙
州刺史安平郡開國公周武帝親御六軍問罪東夏
躬麾九伐爰整西師乃以公爲大使摠知兵馬節度
□□居鼎臣之口齊王處帝弟之親戚皆稟其英謨
諮其進止公牙思十計閒出六奇或飛書下城或塞
旗陷陣猶衝飈之卷寒穉旭日之泮春冰曾未浹辰
僞都平蕩□武平齊之日總集僞官謂高阿那肱曰
平卿國者由此人也昔呂子牙之佐周號鷹揚而滅
紂王士治之翼晉歌龍驤而殄吳□代相望□無慙

德君稟川岳之靈膺星辰之氣角立傑出高翥獨翔
括百行之樞機軼九德之軌躅一室不掃陳仲舉之
生平萬里封侯班仲升之意氣發巖電於神彩韞荆
玉於胸懷騫騫如積風之運鵬昂昂如簫雲而泄驥
開皇十三年起家任右親衛非其好也阮嗣宗之傲
誕屈以步兵馬友子之文詞登之武騎俄而文皇晏
駕煬帝嗣興剗刮舊章草創新政璿室瑤臺之制邁
辛癸之宮車轍馬迹之行越姬劉之幸公乃告歸託
疾養素邱園不事王侯鑿坏而已於是親賓斷問慶
弔不通保周陂而訪三姜依蔣徑而尋二仲甘樂山

卷六十二
數木石爲隣樵歌唱而白雲凝邱琴奏而元鶴舞讀
張衡之賦且說歸田諷宋玉之詞甯憂失職逮隋風
已替率土分崩九服移心三靈改卜天星驟落海水
口飛萬姓嗷嗷瞻烏靡所太上皇龍躍晉野鳳舉秦
川揮寶劍而斬素靈擁神兵而膺赤伏羣雄畢湊眾
善咸歸遂仗劍轅門投口獻款蒙補左武侯錄事參
軍于時義甯元年也皇圖倣落帝典權輿王世充叛
換洛川竇建德憑陵河朔蟻聚蜂扇狼顧鴟張驅掠
我黎元違拒我聲教眷言經略理資英傑乃授元帥
府鎧曹叅軍於是破八關堡清城宮口太陽門陷陣

先登獲勳第一蒙授騎都尉武德四年授雍州錄事
叅軍處神州之要居輦轂之下五方雜沓四民設阜
糺擿姦伏思若有神不待赭汗之權詎勞鉤距之詐
貞觀元年又授朝議郎行濮州濮陽縣令君下車布
政除煩去瘼而移風易俗不待三年俗富刑清纔踰
期月還牛怨米是表於深仁馴雉移蝗彌彰於善政
豈止沈丕鄴縣留神灌壇而已哉水積歸塘竟滔滔
口東注日沈昧谷遂黯黯而西徂辰巳之夢忽鍾膏
肓之祟便及以貞觀十年四月四日寢疾卒於濮陽
官舍春秋六十四陶潛琴酒對彭澤而誰權言偃絃

歌臨武城而莫奏嗚呼哀哉君器宇淹凝風神秀逸襟懷肅穆與寒松而並勁志氣蕭條共秋天而競爽履仁爲度蹈義成基不以富貴驕人常以謙虛待物可謂淑人君子邗家之彥者歟爰以貞觀十四年歲次庚子十一月壬寅朔十日戊子遷窆於雍州三原縣洪壽鄉之原夫人李氏平昌縣主皇帝堂姑王姬下降作嬪君子四德口中饋六行懋于閨儀婉嫵馳聲幽閑表德旣而于君長逝守志孀居同穴之義莫從異路之悲奄至撫育遺稚皆遵禮度雖享豕存教斷織貽訓曾何足云嫡子正則等並學稟箕裘德

齊顏閔竭忠貞以事主極愛敬以安親列鼎切季路之懷從車軫曾參之歎乃詢諸古老考之前代紀素譽於元石列遺範於幽巖庶感風樹之悲以慰寒泉之思文曰

邈矣洪源遐哉峻趾崇山億丈長河千里陸離英彥森梢杞梓纓冕遞承琳琅間起其一迺祖英果懍懍申霜迺父誠積諤諤勤王雄圖獨運逸氣孤翔東征獻凱北使歸壇其二篤生君子風神特達口侍丹墀警巡紫闥腰鞬負羽橫戈戴鷩驥駉旣馳湛盧方割其三有隨道喪滄海橫流知機體命卜築林邱一人御物六

合承休讎然筮仕佐府叅州其叅州伊何繩違糺惡

佐府伊何崇弓西鏢姦魁息訟邊隅靜柝衢路風生

戈矛霜落其五一同出宰百里風霜威狡猾露惠釐

窮庶期永錫如何不終武城絃絕彭澤樽空其六

遺惠先秋刈蘭當春翦桂其七

悲谷徙遽歎舟藏松風厲其八

唐越州都督于德芳碑下闕精語

上開國男缺軍事缺好賢愛木缺大中大夫行缺年

銀青光祿缺曳之缺使缺郡缺都督原慶

四州諸軍缺史永徽元年授缺三年

能官逾於鄧訓顯慶三年授金紫光祿大夫使持

節隴州諸軍事行隴州刺史任北畿口以口口

肅口口化洽華夷公志在縣車口敦止足缺恩詔矜

遂口口口口於口口陪展余於石閭未膺禮於上庠

遂歸全於長夜以龍朔三年歲次癸亥二月乙酉朔

二十六日庚戌邁疾薨于隆慶里之私第春秋七十

有七其年五月癸丑朔二十日壬申葬于三原縣缺

字公稟榮河之純絳降仙掌之英靈類邢禹之堂堂

芳齊往哲比周舍之諤諤口冠前脩案牒披圖以信

順而為本敦詩悅禮用忠孝以成基譬虞代五臣將
 稷俛而泣驚若軒朝六缺一字甚張季之折獄情存周
 急同魯肅之指困囊括五車惠施慙其博物遊口口
 口胥臣愧其多聞體物緣情之篇道文光於翰苑摛
 藻口鞭之筆符彩麗於詞林攝口名藩黎獻於焉詠
 缺十 虞對彼安仁時稱連璧偶斯元禮俗號仙舟追
 雷伏轅縣知駿骨孫枝入藥便識琴音開閣以接名
 流置驛以招英彥慕疎廣之解印仰魏舒之抽簪抗
 表陳情遂蒙昭允角巾私第杖缺一字梓澤口口口習
 蘭亭之賞但四序不止千月難終儵歛魂於窮泉俄

沈照於悲谷嗣子前荆州大都督府錄事參軍事代
 州司馬護軍昶居憂之禮殆不勝喪至孝之情幾將
 滅性以為橋元三鼎騰茂實於祠堂楊震口口飛英
 聲於神道庶金生翠碣長標賈氏之墳劔挂貞松永
 識徐公之墓乃為銘曰
 三山崇構九水鴻源口口樹績烝相高門服袞調飴
 書社開藩祉襲前葉慶鍾後昆風雲蘊氣珪璋表質
 據德依仁銜華佩寶博詠金匱學窮石室辯口談天
 誠深捧日束髮肆業彈冠入仕道屬時屯生逢運否
 黑山霧結白波浪起口口望夷兵興新市九五應期

千年啟聖於此元惡馘茲放命地紐克平天保大定
策名委質濯纓從政秩宗著稱恒岳揚聲漳濱訟息
晉水口清缺十字名高郢城榮顯五都光照千里口耀
金玉芬芳蘭芷譽超四佐德高八士貴盛丹轂聲傳
青史橫海鱗摧磨霄羽口森沈松檟蒼茫原隰金鉉
未調玉棺奄及東都駐馬南陽下泣搖落宰樹荒涼
夜臺墳脩燕集瑩空烏來鳳簫嘹唳熊軾徘徊口人
不作泉扃詎開非見齋碑錄

大唐故左監門大將軍襄城郡開國公樊府君
碑銘 并序

若夫軒弧登御威有截而開基媿戚陳階格遠方而
載化是知器之攸假理無廢於五材國之所隆業有
偕於七德皇家躍龍而啟千載翦鴻而清九野叱咤
而會風雲抑揚而徙舟壑其有應銜珠之象縱傑挺
生延捧日之徵程材命世繫桑以申其略坐樹以挹
其庸唯襄城公爲體之矣公諱興字積慶安陸人也
將軍感燕取貴易濱之義舞陽誑楚終高戲下之功
學稼問仁映闕里而騰譽推田削契掩湖陽而劭美
自時厥後支分派流昭彼青編可得而略也高祖弼
魏武陵太守曾祖淑魏員外散騎常侍巴州刺史新

途縣開國侯祖文寔隨南陵太守並資忠爲德置言
成範體三棘而流潤苞六象而揚輝雅達從政□□
□俗召父延於時諺任子悅於毗心父方皇朝金紫
光祿大夫慶善宮監藏器虛室戢影太玄偶出震之
休期縻賓王之華秩公攀鱗晉野奉勒汾川霑□露
於紫宸燭靈輝於黃道體仁而賈其勇由衷而講其
信埒勁心於風草比貞節於霜筠言表身文慎機樞
於自遠行成士則摠枝葉於昌年超越女之工五
校豈傳其術高楚臣之藝七札本謝其能至於當敵
制權臨機授律明其可否之算審其向背之宜聊取

鑠金之□□踐蜚鋒之地義旗肇建乃授朝請大夫
隨班例也尋破西河授通議大夫又平霍邑加金紫
光祿大夫特以戰功珣加勳級殊貸稠墨難用詳言
旣而剋定京城加左光祿大夫除左監門郎將恩流
□□屬宸階嘉猷輔於紀明未佗司徒之表茂識
逾於安世甯資博陸之賢未幾以功次除左監門將
軍周□斯侯折衝伊寄宮禁肅清簡在惟穆昆夷舊
壤尙結妓氛聽鳴鼙而載懷命寅車而戲罰以破薛
舉勳授上柱國西華縣開國公賞物五百段楚班爲
貴躡昭陽之大功漢誓斯永聯穎陰之茂爵劉武周

□兵絳水肆虐懷生公迺奉旌麾而電邁弱驂馳而風掃乃封襄城郡開國公賞物千段于時山川振蕩羣醜虔劉元戎歲駕預誅干紀王世充竇建德因茲大潰□勳餘十二轉迴授其子賜物二千段金卅斤武德五年建德重茲兒聚帶州挺亂於是長驅銳騎封豨滅蛟加勳八轉賜物千段并奴婢牛馬劉黑闥跋扈□□陳兵曠歲公克宣智勇殲厥奸渠以超輩之勳賚物六百段六年破徐員朗於徐兗厥功斯懋賞物千段□廿七年手詔以公策名自久立效居多因□□□軍將八年獯獫犯塞大駭涇陽權烽夕舉

胡塵曉望公摧鋒轉鬪羣凶折首九年以公夙昭勳效給封四百戶授營國公貞觀六年破陵州羣獠賞□六□□□授左驍衛將軍坐公事削十一年還除右監門將軍望重禁闈誠深貞固驟招榮晉亟踐便繁十五年扈從巡方檢校左驍衛大將軍領千騎十八年授雲麾將軍守左監門大將軍封襄城郡開國公食邑二千戶十九年鑾輿東指龔行遼隧公於定州奉令乘駟還□副梁國公宮城留守任寄之重莫或與京宸駕凱旋特蒙勞喻賜物三百段檢校右武候大將軍廿二年從幸玉華宮因而留守有頃乃嬰

風疾勅遣名醫就療賜告還京砭藥亟加閒月而愈
廿三年除左監門大將軍屬宮車晏出綍翾晨移奉
端闈而限赴望疑山而崩標從而負茲彌痼愒景推
辰有司以寢瘵逾時因而奏解爰降綸汗恩贍尤多
給防閣祿賜國官府佐帳內一依見職并遣鑿賫藥
終始將療又降中使就第慰問賜絹口匹終期介冑
爲禮孤標細柳之名鐵石居心獨擅下江之懿如何
尺波行閱風駭龍驤之水一葉可悲霜凋馬陵之樹
以永徽元年四月廿三日終于雍州長安縣懷遠里
第春秋六十有三聖情念功惟舊傷悼者久之贈左

武衛大將軍洪州都督江饒吉袁鄂虔撫八州諸軍
事使持節洪州刺史賻絹布二百匹陪葬獻陵賜東
園秘器喪事所須隨由資辦給儀仗去還謚曰思公
禮也粵以其年歲次庚戌七月戊戌朔九日景午陪
葬于獻陵惟公德符先覺利見在田立功立事威稜
愴遠信義行於州里孝友著於家風喜愠不形寵辱
惟一歌鍾繼發無累虛白之心軒蓋交陰詎隔濠梁
之想踐三宮之奧先寘涇流之毒獎萬夫之勇方投
越水之醪宜其克壯風猷永綏多祐俄而丹烏迅景
下崦山而靡息白馬奔濤委歸塘而□□長子護軍

濮王府兵曹參軍事修義世子上騎都尉荆王府法
曹參軍事修武等下堂斯慎恭孝之道夙彰趨庭有
奉敦悅之風先備遽纏手澤之慕終嬰心瞿之哀懼
□紀驟遷垣壑相質思騰鼎之餘範懷景鍾之遺籀
翠琬勒其鴻規清芬垂而靡究其銘曰

叔世道消夷羊在牧乘時啟聖長鯨且暴瑞興碭野
祥開柳谷式寄爪牙久資心腹其一山甫姬相□□命

氏峻構巖巖豐源瀾瀾祖考昭德騰華綈綺政體山
蛇業甄河豕其二介福潛行克昌厥嗣贊軌驚冥承羈

絕轡缺八聚米均聲沉沙比懿其三明□於□持損于

益同志如蘭堅心匪石家存衛劍門趨鄭驛藝優方

竅道希函席其四得人斯盛多士維寧傍躬文陛局□

彫扇拂鍾挺銳括羽□貞功深越國績□□□其五負

舟□□鑿楹貽豐泗水迴瀾武山頽仞九京可作百

身靡恡麗龜輟技飛龍罷引其六遠日告辰如疑戒禮

容車夙載嚴闈旦啓煙景空蒙風□□泚□□□而

稅駕聆□璫而揮涕其七刻石

授清河太夫人若夫稟哲明□□之以家風滋字缺八

窮名義博聞聖□豈徒動作女師□□成士則始

光婦道終禮字缺七形內外永字缺六疾天慈哀惜每□

神衷飲膳藥□咸□□御仍令司空公□□三司尙

書左僕射英國公勳字缺五軌門衢其年六月七日薨

於長興坊之第時年八十有二永徽三年二月□祔

於字缺五臚字缺五賜之恩越舊史之□聞優聖朝之故

事□白□範冠圖□□使哀榮□今古夫人□日人

字缺五大將軍房仁裕母亡喪事□須竝宜宣論仍令

東宮五品一人□□凶事并賜布絹各二百段□上

字缺五時盛暑日給冰數石及歸舊域又經勅書日前

左領軍行□將軍房仁裕既還鄉井□□吉字缺六

人力傳乘等務使周濟□鄉之日仍賜米粟各二百

石多□人力永徽三年歲次壬子二月□□用十字缺六

字宗親豪族道俗不遠字缺六千餘人茶毒禾□十旬

恩詔待加□命□日□□都會禁字缺十軍大將軍

房仁裕字缺四淹星律宜奪情禮應茲□寄司命□光

□太夫字缺五長史□□□于時再三上表乞終喪制

頻字缺八仁裕既以孤仔一身終□兄弟几筵□方寸

云亂詣闕□□動天慈爰降勅書日前□將軍房

仁裕近下哀□□□藩□人奪情□政宜依故□聽
於任所爲立靈□□昏哭臨以終孝性之任之日□
僕以上數百餘人悉給傳乘自□□府已缺五之昊
天罔極令於潤州□寧縣躬自採石造碑羊人獸□
運送墳塋限以委寄任重不獲身自□樹缺五安貞觀
年中碑已先樹□重刊貞石紀述太夫人績□遺訓
并敘重疊惟□□之□旨式□□窆之時泰山之喪
方簡舉而已濟瑯琊之碣撰實錄而多慙其詞曰
軒臺茂祉玄宮綿□□明帝媽陶甄孔聖龜文日簡
龍門孤暎盛祀彌光攸鐘淑令詩史不騫禮章缺六
字

作嬪鼎族仁孝□□□恭自牧端操霜明芳猷□郁
婦德光備母儀是彰恭維□寡弘宣發方命之缺十
成寅亮下十二規齋金石錄
修寺鑄鐘碑
□此地缺建其來久耶毗香缺六尙闕□有□將□
□□仁□□屬雲人慕其風波感雲委搜工度木
創造中樓從開十八年至二十一年功□於戲大功
未就天不愆遺轉劫示凡超登彼岸美志不遂良可
痛耶門人法嗣威公釋家英賢法門孤秀才清海量
當代高僧泣和尙之遺蹤感斯事之未備也迺采□

梓訪□□傍建挾樓煥茲禪宇天寶三載首營天七
仲春功畢有上人禪公碩德行滄光華梵侶見廊廡
空缺精誠助修廣卅閒兼經樓二所天八年創營天
九年孟秋之月其功就矣攢樓崢嶸疑翠巖□霞裏
廊宇漫漫如碧雲映寒川大矣哉非常之功立也偉
哉禪伯威公心懸秦鏡器潤春雲鳴謙自安虛己接
物世人趨學倚袂盈門頃以宴坐虛庭聞鐘之擊也
歎曰其聲幽□誰爲發輝乃廣散金錢詢諸里閭珍
貲山積人以子來暨天十一年初營至十二年夏六
月三日鎔鑄功就箕簞滌疑洪鍾岳然縻杵槿之聲

震區外龍變神奇吁信鼓之最也禪公每清賞矩步
厭其所居僧房古衰階□禿落乃廣其制高其墉樂
櫺巖嶸簷宇廓落楹礎星布階砌煙凝東西廿二閒
分爲四院天十三載改制十四年孟秋功畢鄉黨清
信士等一心裨建霧集雲齊祕宇虛窗風清法座朱
門素壁霞閒白雲美哉麗哉不朽之事也講堂前龕
宇年深榱棟摧殘丹青晦色爰有都上□高公乃擇
□匠再雕葺訪畫工新丹雘至誠感物不逾旬而斯
事厥終高公金玉其器蘭芳其心文冠時英道濟羣
物渙若江海莫測其涯夫樹德立功非賢莫可歸然

勝迹垂範將來樹碑勒功未盡其美表茲刊刻題諸
讚云

峩峩紅樓兮漳之陽登攀四望兮迷海鄉廊廡左右
兮雲之長雙碑岌立兮凜朝霜其物殊地古兮人修
嘉祉雙樹森蔚兮給園多土地久天長兮名在哉海
變桑田兮功不毀其常山貞
石志

大唐孝昌公許君墓碑

先王宅土秩懿親而建侯我后得人功關河而作牧
缺七年入朝加授太中大夫使持節冀州刺史缺履
直道於朱繩照全形於白璧抑貪競之俗恩浹二天

屏權右之門威加重燎缺行趨露冕之禕坐列交衢

之棘二年有詔追遷太僕少卿缺長史公以儀鳳三

年正月日薨於汾州之官舍春秋六十有二缺嗣孫

崇藝易州司馬五回軍使英姿外發靈鑿內融缺趨

毅梓之鄉關用標幽壠何止韋孟之光緒祖德之垂

裕後昆劉寬之傳芳故吏式照往列崇藝崇述崇烈

缺銘曰

炎圖括地姜派統天融斤運火太岳飛煙緝詣帝若
業冠象賢穎滢涵珍箕山韞寶儀刑邦幹經綸天造
華陽啟國襄城訪道漢劍舒蓮周珪映藻運移赤野

威懷楚望八翼飛止三刀集賦英蕤早舉仁風曉暢
丹水擢圖黃星昭亮恩狎聖齒續參龍躍錦旆雲道
寶享天爵青蒲奏蹟赤野馳英陸剽桺兕水斲奔鯨
閩區恩暴夏口先鳴晉俗康阜軒轡澄清金根按禁
訐謨宦省蘭綺晝嚴鉤陳夜警軍容甚泰土功載靖
地軸東距天津南渡狼望

下王得臣
塵史

大字

上柱國李君莫高窟口龕碑并序

原夫容萬物者天地也容天地者太虛焉星辰日月
天之文卉木山河地之理推之律呂寒暑之節缺十
可字口然而三家不定四術猶迷口申臆斷之辭競起

異端之論矧乎正覺冲邃法身常住凝功宵冥湛然
無缺九驚一乘絕有為而口無為獨尊三界若迺非
相示相總權實以運慈悲非身是身苞真應而開方
便不言作言缺九為有為之宗神儀廣現至若吉祥
菩薩寶應真人効靈於太古之口啟聖於上皇之始
或練石而斷鼈足立缺九而察龜文調五行而建八
節復有儒童歎鳳生震旦而鬱元雲迦葉猶龍下閭
浮而騰紫氣或因山起号或缺九風刪詩書而立訓
莫不分條共貫異派同源是知法有千門咸歸一性
等碧空之含萬象均滄海之納百川其道缺七能使

三千國界悉奉贖而輸琛百億人天竝承風而偃化
 拔眾生之毒箭作羣品之良醫恚龍屏氣於孟中狂
 象亡缺七感灑法雨而隨根無願不從曠慈光而逐
 物豐功厚利誠無得而稱焉我大周之馭宇也轉金
 輪之千輻運缺七諦於心田皎三伊於智藏慈雲共
 舜雲交映慧日與堯日分暉德被四天不言而自信
 恩隆十地不化而自行莫茨生缺五物不召而自至
 瑞無名而畢臻川嶽精靈列韜鈴而受職風雲秀氣
 儼槐棘以承榮傑侏兜離韻諧韶濩蠻夷戎狄飾缺五
 字更紹真乘初隆正法大雲編布寶雨滂流闡無內

之至言恢無外之宏唱該空有而聞寂括宇宙以通
 同蕩蕩乎巍巍缺五名言者也莫高窟者厥初秦建
 元二年有沙門樂傳戒行清虛執心恬靜嘗杖錫林
 野行至此山忽見金光狀有千佛缺五造窟一龕次
 有法良禪師從東屆此又於傳師窟側更即營建伽
 藍之起濫觴於二僧復有刺史建平公東陽王缺七
 後合州黎庶造作相仍實神秀之幽巖靈奇之淨域
 也西連九隴坂鳴沙飛井擅其名東接三危峰泣露
 翔雲騰缺七後顯做川原麗物色新仙禽瑞獸育其
 阿斑羽毛而百綵珍木嘉卉生其谷絢花葉而千光

爾其鐫崿開基植端字缺七塔構層臺以筵天刻石窮

阿育之工雕檀極優闡之妙每至景躔丹陸節啟朱

明四海士人八方緇素雲趨兮字缺八歸雞足之山似

赴鷲頭之嶺陞其欄檻疑絕累於人間窺其宮闕似

遊神乎天上豈異夫龍王散馥化作金臺字缺八幢幡

五色而煥爛鐘磬八音而鏗鏘香積之餅俱臻純隨

之世齊至極於無極共喜芬馨人及非人咸歆晟饌

遙字缺七大周聖歷之辰樂傳法良發其宗建平東陽

宏其迹推甲子四百他歲計窟室一千餘龕今見置

僧徒卽為字缺九讓燉煌人也高陽頊之裔太尉頽之

由李廣以猿臂標奇李固以龜文表相長源森森既

浴日而涵星層構字缺九祖穆周燉煌郡司馬使持節

張掖郡諸軍事張掖太守兼河右道諸軍事檢校永

興酒泉二郡大中正盪寇將軍祖口隨大黃府上大

都督車騎將軍竝多藝多能謀身謀國文由德進武

以功陞為將有禦遠之方作牧得安邊之術庭抽孝

字缺九泉竭誠而奉上謙光下物不自驕矜流令譽於

當年鍾餘慶於身後考達左玉鈐衛効穀府旅帥上

護軍字缺十倜儻之姿夙負不羈之節荆山虹玉不能

比其內潤宋國驪珠無以方其外朗行能雙美文武

兼優臨池擅字缺九之妙嘗歎息而言曰夫人生一代
難保百齡脩短久定於遭隨窮通已賦於冥兆假令
手能拉日力可拔山字缺九條之露何用區碌榮利弃
擲光陰哉於是滌胸襟疏耳目坦心智之所滯開視
聽之所疑遂諷誦金言字缺十歸正捨邪遇善恭虔必
能尊重讚歎迺於斯勝岫造窟一龕藻飾圓周莊嚴
具備妙宮建四廬之觀字缺廿寧下崢嶸懸日字缺四吐
風雲於澗曲岵巽而鬱律杳窅而字缺廿就窟設齋燔
香作禮爰屆茲日斯道初宏接武歸依信根逾固者
矣字缺廿綺際材稱刈楚器是拔茅澗松以磊落見尋

巖菊以芳菲入用其字缺廿論苦空之理迺相謂曰是
身無常生死不息既如幻如化亦隨起字缺廿應諾風
從復於窟側更造佛刹穿鑿向畢而兄遂亡公任左
玉鈐衛効穀府旅帥上護軍字缺七行紫金鎮將上柱
國竝奇才卓犖逸調昂莊泰初之曉月團團玄度之
清風肅肅羽垂天字缺十後必昌象賢口蹤無絕迺召
巧匠選工師窮天下之譎詭盡人間之麗飾馳心入
解脫締字缺十槃之變中浮寶刹迎四面以環通旁列
金姿儼千靈而侍衛璿題留月玉牖來風露滴砌而
表還同鹿苑之遊粵以聖歷元年五月十四日

脩葺功畢設供塔前陳桂饌以薰空莫蘭羞而味野
缺十無虞萬邦口僞末之萌羣品沐浴源之始拂輕
衣而石盡釋教長流去纖芥而城空法輪恆轉且夫
立功立缺三揚於竹口何況大慈大悲不宣暢於金
冊輒課庸淺敬勒豐碑合掌曲躬迺爲詞曰

法身常住佛性難原形包化應迹顯真權無爲卓爾
寂滅疑玄乘機逐果示變隨緣大周廣運普濟含靈
金輪啟聖玉冊延禎長離入閣屈軼抽庭四夷偃化
重譯輸誠爰有名窟實爲妙境鴈塔浮空蜂臺架迥
珠箔星綴璿題月瑩自秦創興于周轉展西連九隴

東接三危川垣綺錯物產瑰奇花開德水鳥哢禪枝
十方會合四輩交馳雕甍跂鳳鏤檻盤龍錦披石砌
繡點山窗雲縈寶蓋日灼金幢芳羞味野香氣浮空
粵惟信士披誠迴向脫屣塵勞拂衣高尚旁求巧妙
廣選名匠陳彼鈎繩鑿斯巖嶂代脩七覺門襲三歸
取與有信仁義無違雕鐫寶刹綉飾金暉真儀若在
靈衛如飛營葺兮旣終丹青兮已畢相好備兮圓滿
福祥臻兮貞吉百劫千劫兮作年青蓮赤蓮兮爲日
著如來之衣入如來之室佛道兮曠蕩法源兮地溢
勒豐碑兮塔前庶後昆兮可悉維大周聖歷元年歲

次戊戌伍月庚申朔拾肆日癸酉敬造
李氏之先出自帝顓頊高陽氏之苗裔其後名繇身
佐唐虞代爲大理旣命爲理官因而以錫其姓洎殷
之季年有理微字德靈得罪於紂其子理貞違難避
地居殷食李以全其壽因改爲李其後漢武開拓四
郡辟李翔持節爲破羌將軍督西戎都護建功狄道
名高四海殞命寇場追贈太尉遂葬此縣因而家焉
其後爲隴西之人遂涼昭食邑燉煌又爲燉煌人也
遠祖願漢太尉公歷幽豫二州刺史食邑赤園宕口
顯祖昭魏使持節武張酒瓜等四州諸軍事四州刺

史河右道大中正輔國大將軍曾祖穆周燉煌郡司
馬使持節張掖郡諸軍事張掖太守兼河右道諸軍
事檢校永興酒泉二郡大中正邊寇將軍口口隨大
黃府上大都督車騎將軍考達左玉鈐衛効毅府旅
帥上護軍缺四軍亡兄盛昭武校尉甘州禾平鎮將
上柱國弟懷節上柱國弟懷惠騎都尉弟懷恩昭武
校尉行西州白水鎮將上柱國弟懷操昭武校尉行
紫金鎮將上柱國姪奉基翊麾副尉行庭州鹽池戍
主上騎都尉姪奉逸翊衛上柱國男奉誠翊衛姪奉
國翊衛孫令秀翊衛造碑僧寥廓上柱國鐫字索洪

亮西域水
道記

唐盟碑

大唐文武孝德皇帝大蕃聖神贊普舅甥二主商議
社稷如一結立大和盟約永無淪替神人俱以證之
世世代代使其稱贊是盟大節留傳之於後也文武
孝德皇帝與聖神贊普得知黎贊陛下二聖睿哲鴻
被曉全永之化享矜愍之情恩覆其無內外商議叶
同務令萬姓安泰所思如一成久遠大治之責慈覩
同心以申鄰好之意共成厥美今漢番二國所守見
管封疆洮泯之東屬大唐國界其塞之西盡是大蕃

地土彼此不爲殺敵不舉兵革不相侵謀封境或有
積阻捉生間事說給以衣糧放歸令社稷山川無擾
各敬神人然舅甥相好之義若難每思通傳彼此相
倚二國常相往來西路所遣唐差蕃使於將穀交馬
其洮泯之東大唐供應清水縣以西大蕃供應須合
舅甥親近之禮使其兩界煙塵不起同聞頌德之名
頻無驚恐之處行人撤備鄉土俱安永無相擾之犯
垂恩萬代則稱羨之聲徧於日月所照矣蕃於蕃國
受安漢亦漢國受樂茲合其大業耳各依此盟誓永
不移易當三寶與日月星辰之下共陳刑具爲設此

大誓約如有不依此事誓背漢蕃背納破其名者來其殃禍也倘傾覆以及動陰謀者不在破盟之限蕃漢君臣並稽首告立周細為文二君之德萬載稱揚內外蒙麻人民咸頌矣西域

按與全文所收盟吐蕃題柱文微有不同

大唐河西道歸義軍節度索公紀德之碑

上缺安邦柱石分憂誕賢材而膺用固有提綱罩俗封長策而缺十地中興聖運彼有人焉公王裕稱諱勳字封侯燉煌人也祖靖仕魏晉位登一品才術三端出入兩朝功名俱遂曾祖諱缺八鍾慶於茲來慕

之謠既著捐駒之咏益深乃保龍沙永固城□□□

竹缺四父琪前任燉煌郡長史贈御史中丞早承高

蔭皆顯才能儒雅派衍弓裘不□宣宗啟運乃睠西

顧太保東歸□平□義河西克復昔年土宇一旦光

輝沒缺五公則□河西節度張太保之子聳也武冠

當時文兼識達得探囊之上策缺五明主皇王之□

□□韜鈴而五涼廓靖布鶴列而生擒六戎缺五姑

臧復擾缺九上襄厥功特授昭武校尉持節瓜州諸

字缺五墨釐軍押蕃落缺七繼先人之閱閱不媿於荀

彧効忠烈於缺六牢落□天缺八外乏金湯之險白

從蒞守葺以兒全築魏字缺八布字缺七疆字缺七以部厥田

唯上周迴萬頃沃壤肥字缺十溉用字缺十積字缺七為字缺七流頓

絕泊從分竹乃運神機土宇宏張近堤字缺九騰飛字缺六

功俄就布磐石字缺八雲浮川響波瀾眾字缺八輻湊字缺八

西成字缺九威感如神靈蹤字缺九應水流均布人無荷

鋪之勞鼓腹字缺九日設法以濟人摧圯樓臺置功而

再治城內東北隅有古昔龍字缺九壁猶存模儀尙宛

重以風摧雨爛尊象塵濛棟宇疏廓空餘基址字缺八

買工于時改作四廂初立八壁重修南建門樓北安

寶殿徘徊聳切字缺十腹階墀古樹卻吐鮮芳玉砌流

泉莓苔復點城隅之下別初衙字缺十儼爾光輝于時

景福元祀白藏無射之末公特奉絲綸就加字缺十也

軍中投石爭誇拔拒之能幕下吏民悉展接臬之勇

性字缺十基之術材兼文武次亞夫以當年幸遇昌

時繼字缺十營之字缺十欽崇於大漢洋洋政聲翔于闕下

字缺十竟千古字缺十域水道字缺十記

唐羅漢寺碑

維大唐光化三年歲次庚申二月十五日字缺十院字缺十皇

帝陛下州縣官字缺十及亡字缺十七祖見存普同供養蓋字缺十

悟字缺九緣恆字缺九寶虛指亂識亦字缺九諸元暄字缺九妄

情寧興諸缺四

□□息炎于有餘

缺七字學競見聞解

遺宏旨是法雖復其空為本

缺五字化缺六字非虛□淨

觀懷□□明據弃本逐末沈沒□□經歷塵

缺六字迷

缺四習俗生常知見彌論莫知惺悟只欲顯揚政教

非智無以廣其文崇闡□□非賢莫究其缺六法元

宗妙道宏遠奧旨遐深握空有情微體生滅之機要

詞茂道廣尋□□終不從其源文顯義幽疑只莫測

□□三藏祕典是名無足而常行其道無根而永長

堅得名流慶歷劫而鎮常起滅應身經塵劫而不朽

於是百川異流同會於海万礮分義總成乎實御大

乘之寶車涉道場之要路但為迷心之士愛染無明

耽戲之童沈輪火宅遂乃權開法寶悟彼昏徒引諸

子於四□□化我於中道是以迷子今悟深解上乘

高廣之車無不決了仙現無相之相畢竟非虛上下

中根皆蒙含潤鐫雕石像用陳員寂之心法王嘿然

答之所有皆無因性虛談既剪偽妄亦空備實歸真

顯乎中矣□但崇敬未逢爰取妄之日本是清淨國

人後發妄識情所推落住在四大五陰村上代本出

瑯琊高祖迸流此邑行年六十有四自歎丈夫居世

運轉何能久停乃發勝上宏心趣向苦提之路便捨

世財珍寶還造世口聖容復作招提淨院擬供僧友
 復割捨脩唯糧之田缺四字 常住年納伍百文并將充
 急埽院衣糧歷劫不改賴浦高井重石胡奴盈山西
 西東接重石山頂至主敬界南接重石山鼻下至大
 路泉水孔為界西北接楊德小溪為界此地施入院
 為我皇帝州縣官等法界倉生上祖亡靈普同共造
 故勒弟處約缺十字 日老人口宋滿同證後有無智弟兒
 姪外人侵奪者願此生來生常受百牛之大疾彌陀
 龕向西小溪度大路下地貳拾畝東至小溪南至大
 溪西大溪北至大路右楊德及兒晃今將口分田貳

拾畝將施入龕院內供一切諸方師僧永為常住令
 對鄰近村老街敬王口任口口王忠張後盛狐守爾
 等一施以後如有兄弟伯叔兒姪及外人心生貪認
 者願當當往來生常受百牛大病金石苑

唐金滿縣殘碑

上周仕珪等雲中輦路缺行戶曹參軍上柱國趙缺
 惠敬泰攝金滿縣令缺姑臧府果毅都尉缺乘帝師
 之缺補迦缺

上而為口口承義郎缺登仕郎攝錄事缺昭武校尉
 涼缺口州退魏口缺有準繩缺西域水道記

大唐雍州同官縣□□武定村碑之銘

若夫二儀□□日月於是麗空陰陽創分缺其形五

□□興□法通於巨海自爾□賢缺是□代嵩靈嶽

鎮大地以順倉生四瀆分缺體於摩敦植善三祇降

神容於淨梵輪光缺十力自在廣備六通觀三世朗

若目前曬缺須臾□迅含靈蠢動□許牢籠幽危缺

森□流洗羣岷□□苑今敬崇尊像號缺右敞丹崖

卻望周□□瞻漢像青缺皎潔遶宇迴流芳馥名花

依蘭放彩以缺村所仙堂內爰建像碑一口使□人

敬缺殊王舍說法未異孤□月六念誦下救缺願皇

基永固聖祚無窮牧宰賢缺方法界六道含靈解□

惡之津俱登正覺缺玉□而非堅遂發菩提心求無

上狂象奔缺業敬造阿彌陀像□面四區勢志觀音

巍缺奇工雕刻□麗昔聚砂童子猶傳祇夜缺於天

地刻琬畢以桑溟□陵谷頻遷箇缺混沌初啟七曜

麗天三星感化五帝稱賢其宗靈鎮地四瀆潮溟諸

侯異□百郡秦聲其□行六年悟證無生超茲八解

燭此威名其狂象馳奔朽籐垂斷淨土時長人茲為

伴其建斯武定大聖居堂遐邇瞻矚昔堡稱黃其憑

均刊戒鏤乃輪斑文武□立日月齊懸石

後唐毘沙門佛龕碑

缺

□□□缺

兵不交刃而定□

缺

京蒙賜恩對

缺 椎

喧響獄市廉平思煦與春日熙

缺

奇雲積峯稜煙靄

巖谷清冷碧沼涵

缺

龍相映竹

缺

將欲

缺 龍雖葺置

年深而兒補仍陋房廊隈曲

缺

歲終莫改

缺

而 慧

缺

深心機

缺

別敞豁庭戶移建重門階除於是表延

缺

清之煙臨溪

缺

橋

缺

興

缺

在勝境巨植福田發精

心虔至懇捨清俸召良

缺

殿

缺

層巒之趾鑄十地之

真相列

缺

仲夏興工杪秋就畢□毘沙門天王則酬

願之所造

缺

觀

缺

有為五月日計瞻二□來人一料

問約費三萬

缺

實頻買茶酒撫慰匠師金碧妙粧丹

青奇飾花龕炳煥寶

缺

劫證神多聞稱聖風威凜凜

氣貌雄雄

缺

甲束

缺

居水精殿而鎮國寶塔在掌遊

河沙世而護人天寶初西

缺

犬羊之眾萬隊豺狼之

暴肆兇戍軍陪

缺

於妓

缺

似有難色都護告虔於真

聖如響隨聲是時天王顯□興雲雨而四望昏暗鳴

劍戟而百里晶□電卷□氛風駟醜類泊咸通中南

蠻救亂圍逼成都聚十萬眾蛇□鵝鶴之陣焚廬掠

地窮惡恣兇列郡之將軍未□會府之城池將陷此

際天王茂昭聖力遠顯神威樓上

缺

耀光明之彩蠻

蚤瞻誓首豪視之而心□即時遁躍於遐鄉是日塵
 清於錦里威德示平兇之驗異需缺功缺司空頃年
 防秋雁門守戍狼塞每虎□敬付功勤著立於轅門
 符竹輝榮於牧郡爰飾貞像以答嘉休缺□儼缺容
 威儀妙智聖矚大地福利羣生弘誓海深十□而無
 刹不現垂願周普三途而有苦皆除愁懼者悉使清
 涼缺依缺怙地藏凝然性相浩爾慈悲濟憫深恩澄
 涵□智明惠燈而九幽解脫灑法雨而六趣超生妙
 力罕窮序載難□慈雲覆廕甘露沐霑皇帝之運祖
 遐延缺侍中之勳德宏溥司空壽山聳峻福海渺瀰

井邑缺秩崇缺盛爰自虎符之貴竚迎龍節之榮渥
 澤汪洋□名煥赫郡夫人婺星稟秀女曜鍾儀珠玉
 之貌恆春松桂缺大郎君小郎君鵠原積慶雁序聯
 榮長承膝下之歡宛紹宗中之瑞六親眷族悉利勝
 緣九元祖宗咸昇淨域處缺□跡缺預文珪恭倍佐
 寮趨事旌榮虔奉嚴命令紀星時漸冕蹕之短才非
 雞臆之澳學濡毫悚愧述記不周乃為缺
 華龕紺殿玉砌金基三身貞像十地真儀雕琢工妙
 彩繪師奇慈風適暢惠日融輝飄蕩恆□照臨慈悲
 九幽解脫六趣超離法雨霑灑甘露霏微資福無量

功德難涯

大唐天咸四年太歲己丑十月日記金石苑

勅賜光福寺碑

南州列刹西浙稱雄鷲嶺開基地拓烏陀之古跡翬
櫺徹漢天連青瑣之遺宮昭明屹構乎報恩昌國崢
嶸乎永福高並則夾持兩戍孤懸乃特挺餘村法護
伽藍晉周玘團營威震形圖阿堵梁僧繇繪像輝騰
遠邇六代之宏規近觀三朝之畫壁巍乎瞻仰翕爾
皈依頃羅數屬劫灰禍延淨土風霜剝礎幾回玉斗
周天瓦礫堆遺空想金繩界地翳叢林之炳若鞠茂

草以凄其恭遇皇唐幸興梵遇缺八於西崑白馬馱

經乾竹祕傳於南那法輪日轉曇舍星羅仙李垂英

周柱現函三之玉相優羅結蒂漢庭飛丈六之金身

顧茲遐陬均沾洪造禪宿住持黃蘗契緣輔弼裴公

定力圓通慧光方便上乘洞徹敘湛寂於毘盧象教

流行示莊嚴於法界乃經乃始既美既完曩罄家資

捨宅而真如鼎建今宣朝勅賜顏而光福渙頒作鎮

一隅永圖千禩湖州府志

本願寺銅鐘銘碑陰

皇唐開元十七年此寺都維那慧仙□□厥謨□寺

眾及邑□清信士等同□□方為國敬造神金之鐘
 以十九年二月八日鑄成其秋七月上旬鐘樓亦就
 □廿六年□□景寅春三月十日□碑方建凡諸
 佈施並刊□□□以為不朽而傳來□也常山貞石志
 化度寺僧海禪方墳碣

大唐化度寺故僧海禪師年六十有六俗姓劉綏州
 上縣人也永徽五年十一月八日卒於禪眾以顯慶
 二年四月八日於信行禪師所起方墳焉顯慶二年
 歲次二月廿五日癸未書十二硯齋金石錄
 唐造像碣

上缺救沈溺於愛缺功德孰能預於此今有果毅缺基
 等跋涉砂磧效節邊垂缺雲積悲心於萬里交河淚
 下忽□思于百年遂鳩集合營敬造缺□并尊像等
 剞劂雕琢缺人缺九缺藝缺營主缺九缺仵缺迂忠叶缺九缺
 字元蓋缺立義叶缺九缺明德缺司兵劉缺司田王缺
 眾缺八缺覺道缺天缺五缺日缺西城水道記
 按此碑有武后所製字當為天授中刻

貞觀初乃應齊府辟屈節於功曹參軍俄而辭疾去
官從其所好於是棲身廡下晦迹塵中開通德之門
居全節之里摺紳攸仰遐邇挹其雌黃雅俗所歸中
外酌其淳素君心存愛敬情篤友于事不願從遂纏
痼疾時不我與以至彌留悲夫天地不依與善無效
長生之藥祈王母而莫從反魂之香想漢皇其何遠
粵以廿年五月十四日卒於家春秋六十有五傷哉
摧領袖□人物墜模楷於鄉閭遂使里閭相悲遠近
同恨嗚呼文魚且躍空見於銜哀綠笄晨抽徒聞於
悽慟荒涼原野寂寞階庭無復□臺之遊遠瞻松檟

之列其月廿九日殯於終南山禮也前對蓮峯冠紫
微而獨秀還瞻魏闕干青雲而直上左臨玄灞右望
濁涇縈帶郊原波蕩雲日寶神遊之勝地也旣而靈
輻肅路祖奠凝庭長風曉哀鳴笳夕引薤歌悽而入
漢素蓋飄以搏空白馬徘徊朱旒委鬱掩松扃於文
石窆玉質於白楸恐舟壑之屢遷懼市朝之數變故
勒銘於泉戶庶休烈之永傳其詞曰

靈嶽降神翔雲入候九列旣顯五千方授功高前古
德流遺胄世濟不殞惟君挺出蘭薰雪映金聲玉質
情深孝友性敦閒逸屈節從命委質名藩匪榮蔽冕

養疾邱園光華掩謝令問空存自緇斂維華駟解馭
佳城永鬱夜臺何曙貞石既刊口塵是著

石刻

大唐故荊州松滋縣令湯府君妻傷氏墓志銘

井序

夫人姓傷氏諱大妃京兆鄂縣人也其先受氏於傷
琳得姓於湯武父薄俱隨懷遠公成州刺史夫人卽
刺史之長女也幼而貞潔少而明敏年纔二八卽適
湯氏之門卷耳之行早聞昆定之文先注以大唐永
徽二年正月四日卒於醴泉里第春秋八十有二行
路悲歎親識流淚卽以其年正月十五日葬於長安

縣嚴村之左乃爲銘曰

賢哉哲婦孝矣難同長埋玉體永墜花紅孟母之本
令姬之宗如何玄鳥喪此名龍

石刻

唐故王君墓誌銘

井序

公諱贊口相并州太原人也嫺鏡長明流五絃而清
八表巢姜啟瑞光四履而羈三賢是知積善資於靈
根諒騰芳於萬葉唯口丘園晦迹鄰襟水之高蹤嚴
肆韜英追下帷之逸軌孤標物外獨秀環中負絕俗
之姿包逸羣之量天長地久人口盈虛隙駟難留藏
舟易遠晉膏沈痍秦使虛歸齊媵纏痾盧人遠跡公

稟壽有期延於大漸於大唐永徽三年四月二日終
於鄰德里夫人姬氏資上德之淳休稟中和之靈粹
承八口之餘慶系三五之玄宗闡四德之清風含七
隆於丹羽參芽女而並駕與陵母而齊驅宜享遐齡
永隆景福豈其邁疾暨口大漸西山五色空聞魏后
之詞東谷十技終闕楚臣之術總章元年九月五日
終於長安里第貞夙奉口規幼承柔訓口單地義孝
盡天經覲春露而興哀感寒泉而迴絕粵以其年九
月廿八日合祔於芒山平樂鄉之原禮也丹旆揚旄
指蕪城而響切靈輜肅駕望蒿里而棲涼入龍劔於

邢嶠掩鸞鏡於滕室慮陵谷之俄遷差海田之遽口
式題貞石永讚芳猷其銘曰

千齡挺秀萬葉飛榮五絃流化八表騰清維公稟質
理照韜形損之又損辭口戒盈其德超終古光澤無

疆分榮天邑積口餘芳夫人貞則閨風自揚四德彌
厲六行克彰其二龍邢口雙鸞滕室萬古留名三年

白日鳥思含悲松表蕩慄勒芳貞石天壤永畢其三石刻

大唐蜀王故西閣祭酒蕭公墓誌

公諱勝字玄寂東海蘭陵人梁中宗宣皇帝之孫太
尉安平王周柱國巖之第十三子也豐谷雕雲騰三

傑於星漢金陵王氣軼五馬於天枝爰自綺年已膺
 茅社封為宜陽侯俄而青蓋云歸咸陽起布衣之歎
 家聲不隕高辛缺五隨授散騎郎皇朝為上輕車都
 尉蜀王西閣祭酒□□質虛玄立操貞白學綜書府
 文藹詞林鐫銖珪紉脫落塵滓□物我於臨濠照空
 有於虛室龍宮之旨無以缺五之□自足符其想信
 圻岸之金碧為羽毛之麟鳳然而過鳥忽驚悲鼠藤
 之何促隙駒俄謝怨鶴林之已空春秋七十有四永
 徽二年八月十五日遘疾薨於萬年縣之崇義里卽
 以其年歲次辛亥八月壬戌朔廿三日甲申窆於萬

年縣寧安鄉鳳栖之原嗚呼哀哉山可移兮日難繫
 海成田兮川而逝因寶宇於窮泉振芳聲於來裔其
 詞曰

楚國琴響秦時故侯寂寥下位栖遲一邱情涵水月
 心汎虛舟持蓮淤盡援桂芳留人事超忽生涯浮脆
 溢露銷津翻霜霽蒂夕陰先下泉扃早閉長夜不追
 悠然來際石

大唐太子左衛杜長史故妻薛氏墓誌銘 并序

夫人諱瑤華河東人也縣宗貴烈疊照指紳之林勝
 躅殊聲累冠高華之秀並光惇史咸振毗謠近懿今

芳可得而略曾祖胄大理卿刑部尙書內陽文公祖
獻工部侍郎泉資定隴四州刺史贈洪州都督內陽
穆公父元嘏通事舍人朝散大夫行益州晉源令或
材挺國楨或譽標時彥英明相繼琤珩代襲夫人誕
靈鴻族育彩瓊田幼資神穎長而懿淑太子左衛長
史上輕車都尉京兆杜延基藉望清華聲芳寓縣求
我令德宜其室家夫人展禮惟勤薦虔誠於蘋藻承
夫思順終克諧於琴瑟羨柔芳於懿戚盜惠譽於中
閨藹藹嘉聲雜紅蘭而灑馥亭亭潔操鑒皓月以分
暉旣而朝露易侵慘沈疴之遽積隙光逝從愴宵簟

之俄空以顯慶二年十一月十二日遭疾卒時年廿
六粵以三年歲躔戊午十二月一日己酉安措于少
陵之南原想音容之未遐歎居諸之驟易感人神之
方廣痛顯晦之悠隔嗟鳳去而聲銷悵鸞沈而影寂
閱殊美於柔翰寄餘哀於貞石其銘曰

烏奕高門蟬聯遐祉虹珪交映文軒疊軌効功垂德
飛芳檀美照灼清猷紛綸緇史其一餘慶是襲載誕淑

靈溫儀粹行玉麗蘭馨動容中軌敷辭有經浹華邦
族飫美閨庭其二始暉朝景行悲夜壑月掩娥沈星潛

婆落露凋芳秀霜摧豔萼潘悼已深荀傷可度其三靈

軒風駕素幌晨空霜塗咽泣曉椀鏘風幽扇杳藹寒
野蒙籠千秋已矣蓄恨何窮其四石刻

大唐故駙馬都尉衛尉少卿息豆盧君墓誌銘
并序

君諱遜字貞順河南洛陽人也太祖武皇帝之外孫
太宗文皇帝之甥也原夫星街北鎮氣雄高柳之鄉
日域東臨威震扶搖之表又祥分玉板運圮金行盛
王業於雀臺肇霸圖於龍塞辭燕入魏既得姓缺四
北徂南遂成功於翼主故得門傳戈鼎業擅細圖已
宏散以孤征總口口而缺四史冊可得言焉曾祖通

洪州總管汝野公諡曰安道濟風雲德缺十鹿於朱

駟落鳴鳥於玉輦百僚既肅共仰金缺十祖口禮部

尚書左衛大將軍光祿大夫行岐州刺史缺五國公贈

特進口州都缺四海岳擒靈辰象提氣風格沈肅凝

映士林局量宏深口羅天宇齊口口而缺四傳而並

馳榮數極於生前縟禮繁於身後父懷讓駙馬都尉

尚輦奉御衛缺四府衛尉少卿地望高華音容韶令

家延帝子室茂王姬同遊劔水之龍獨跨口口之鳳

君即衛尉第三子也親長沙長公主口口台於葵象

分玉種於藍田缺五朝光以動色彩澄飛月凝夜景

以含□□□日稱異髻初表疑爰從戲馬卽缺四字材
 肇自乘羊方宄河東之美豈亡楊鳥早歲獨茂重玄
 元鳳夙齡亟工柔□及□□集蓼痛結匪莪標氣就
 淪惻陰□殞雖年代浸遠風枝之恨罔淪苴綴外□
 □露之情尤切至若教成斷緯業就離經筆海浮天
 鏡璇波於抃岳談叢麗日教缺四字林加以族茂燕垂
 氣凌河右弓開明月碎密葉於楊珊騎轉浮雲散輕
 塵於楸埒故得薦紳屬望披薜馳心猶決羽之彈丹
 禽若涓適之歸滄海豈謂寒風缺四字桂於初華繁霜
 夜零剪庭芝於方秀嗚呼哀哉粵以大唐顯慶四年

四月十七日□於雍州萬年縣之常樂里第春秋一
 十有七卽以其年太歲己未八月乙巳朔廿八日壬
 申遷窆于萬年縣少陵原禮也君以膏梁景族懿戚
 豪家生平鍾鼎之□□□簪裾之會而天資澹雅性
 與謙恭無累□□之心自得風塵之表惜其英資缺字
 四於明時盛德芳華已淪於厚窆長沙主□□玉之
 □沈痛掌珠之永碎□為牛□託葬薄謝鳴鳶馬鬣
 開封竟資螻蟻故缺十字照□烏見滕公之白日泉飛
 圭鶴□陸子之陰缺一字夕轉寒□擁而嘶馬秋風驚
 而楚□惟桑田之方易懼舟壑缺七字玄扉□□猷之

永扇其詞曰

地隔紫蒙星分柳塞山川旃響風雲掩曖缺六匪昧

上谷辭燕中山入代二公垂績一敷前載就日標華

浮霄引概衛尉含章芳聲閒起艤移井棘花飛穠李

門慶斯來篤生君子玉瑛方潤壁山齊美筆海鯨分

詞林鳳峙日烏空落蕃羊豔擬謙恭神授孝友天成

煙霞自重戈鼎攸輕方遊星闕奄闕泉扃將華落蕊

方秀摧榮百身何贖干祀徒名悵引秋蟲擔飛暗翼

畫柳朝引素驥夕急荒隴沈暉寒郊寡色□□遽返

歸魂何極空餘素範方標懿植石刻

梁君夫人成氏墓誌

夫人諱叔雍州渭南縣主簿第三女成肅公之後也
原夫激瀾姬水架瑤筵於崇宗分組漢京晰銀章於
華棘曾祖璨隨任濟州東阿縣長祖貴唐任幽州永
壽縣令咸以芳浹五陵飛雲柯以切漢聲雄百里曳
花綬以交軒夫人承姿洛月誕魄巫雲温淑凝懷幽
嫺協操室善中積交百兩而妻高陽宮鏘外昭騰六
行而嬪通德孰謂奄捐潘簞隨寶婺而沈星溘謝秦
樓伴金娥而上月春秋廿有二以麟德元年十二月
二日卒於隆政里第嗚呼哀哉卽以其月十一日殯

於終南山榷梓谷之阿乃為銘曰

賢條吐秀寃路楊聲三綱絢美四德凝貞嬪則凝闈
閨序克明降年不永頽日遽傾秦樓黯照□宇沈形
風催曉嬰霧卷晨旌路迷□野地沒泉扃斯今勒琰
終古芳名石刻

大唐故處士張君墓誌銘

君諱興字文起南陽西鄂人也漢太史衡之肩胛昔
靈表西豐留侯建帷幄之策星移東井常山興締構
之功或師範萬乘照彰圖藉光臨千里煥炳縑緇異
動三台識司空之忠列吟謠兩穗表太守之仁明奕

葉簪裾蟬聯珪組規矩重疊代有人焉緬究遺編可
畧而言矣曾祖瓘魏冀州信都縣令絃歌不奏美化
洽於一同鳴琴詎張仁風清於百里祖皮用太僕寺
主簿才能幹濟智畧強明尋見辟除轉授瀛州河間
縣令父才隋揚州江都縣丞輔弼風規俗流清化贊
導名教邑致歌謠君肩係高華等琨瑀之良劔箕裘
纂組若青邱之祥鸞義烈因心未資於典籍忠良天
縱不假於規模崇有道之林宗慕無為之李耳名利
之所不拘榮辱之期混一弓旆不應羔鴈無移道契
虛玄性符高尙縱寂寥而賞趣持澹泊而怡神志道

研精非邀鼎食窮微盡要詎徇輕肥得性琴書吟嘯
煙霞之表時談物義進退木鴈之間妙歎榮期高符
黃綺時遊三□乍撫一絃以道義而爲尊輕蟬冕而
非貴探蹟幽隱迥邁莊惠之機致遠鉤深遙鉗黃老
之趣想秦晉之有近見潘陽之代親遂婚於辰州溪
縣令漢陽趙徽之女幽閑婉孌中饋聿脩懿淑溫和
母儀庭宇君纂業成勞遇揚雄之痼疾淫書作瘵遭
皇甫之沈疴氣擁膏肓疾纏腠理屬華他而不瘳見
扁鵲而無瘳以貞觀廿二年七月廿七日卒於私第
春秋六十有二夫人趙氏卒於永徽四年春秋六十

粵以龍朔元年歲次辛酉十月癸亥朔廿三日乙酉
合葬於故鄴城西八里禮也面平原背漳浦左帶蕪
城右連林麓刊茲玄石紀以清徽勒彼鴻名光斯泉
戶庶使青山爲礪表盛德而彌芳碧海成田闡嘉聲
而不泯嗚呼哀哉乃爲銘曰

規矩重疊珪璋代映三台表異兩岐興詠人倫指摸
搢紳龜鏡百代逾芳千齡彌競道合幽玄性符林壑
迹齒滄波名流臺閣貴不充謳賤不殞鑊思巧雕龍
光逾刻鶴有謂昇堂相期入室帷薄猶空繁華未實
儻忽不幸咄嗟已失一棺猶閑萬事長畢若蕘壘首

巉巖山足露銷草翠風飛樹綠玄門一掩寒燒無旭
私壤式題貞芳載燭

安陽金石錄

大唐故張君之銘

君諱對字懷玉南陽白水人也祖貴朝散大夫父素
身有勳官潛居白屋惟君積善餘慶始驗無徵構疾
一宵遂殞私第粵以光唐乾封三年歲次戊辰正月
乙酉朔十七日辛丑春秋一十有七卽以其月二十
五日殯于龍口西平原禮也恐陵谷遷變滄海成田
勒石泉扁傳芳石久刻

大唐濟度寺故比丘尼法燈法師墓誌銘 并序

法師諱法燈俗姓蕭氏蘭陵人也梁武皇帝之五代
孫高祖昭明皇帝曾祖宣皇帝祖孝明皇帝父瑀梁
新安王隨金紫光祿大夫行內史侍郎皇朝中書令
尚書左右僕射特進太子太保上柱國宋國公贈司
空崇基茂趾國史家諒詳焉法師卽太保第五女也
年甫二八行四諦膏澤無施鉛華靡飾精誠懇至
慕雙樹之高蹤童子出家殊栢舟之自誓具戒無闕
傳燈不口姊弟四人同出三界花臺演妙疑開棠棣
之林成等至真還如十方之號豈口口輪纔轉道器
先摧以總章二年十月五日遷口於蒲州相好寺春

秋卅有九擁殯于河東縣境口永隆二年歲次辛巳
三月庚午朔廿三日辛卯歸窆於雍州明堂縣義川
鄉南原禮也恐陵谷負遷田海變易式題貞礎用紀
芳猷乃爲銘曰

丞相輔漢司徒佐唐功格天下奄有大梁暨茲令淑
爰慕武皇家風靡替法侶成行慈雲比影慧炬傳光
中枝犯雪小葉摧霜未登下壽忽往西方一超慾界
千載餘芳石刻

大唐故左親衛裴君墓誌銘

君諱可久字貞遠河東聞喜人也祖勣衛尉少卿邢

州刺史翼城公父居業梁州都督府司馬君擅美藍
田虹光絢彩標奇渌水龍友呈姿見賞通人知名先
達選補國子生俄轉左親衛旣而魂驚大夢運迫小
年夏首西浮徒切思歸之望邯鄲北走永絕平生之
遊咸亨三年七月廿八日遘疾終于襄陽春秋廿五
粵以四年歲次癸酉二月丁巳朔廿九日乙酉窆于
京兆之朱坂其銘曰

卿相舊門公侯子孫荷戈運否離經道存佳城俄寂
夜臺寧曉獨有仙禽空遊華表石刻

唐孝廉張君墓誌銘

并序

君諱慶之字仲遠功曹府君之弟子也儀形簡秀風神峻整引義望於胸懷轉山泉於襟袖泛覽流略尤明左氏州辟孝廉不赴燒金未救夢珠徵禍春秋冊有二以唐之咸亨四年十月十七日卒於家以大周天授之三年正月六日與妻京兆杜氏同改窆於安養縣西相城里君孝友之行冠絕等夷仁恕之情超邁羣輩而伯道不嗣仲宣無後彼蒼者天孰云報施援翰雪泣用銘幽礎其詞曰

山以玉暉水因珠媚我有明哲蒸蒸匪置彼美仲兮其心貞愿贈瓊化泣趨舟遂遠漢流東注驕岫西盤

隸野風急鶴原日寒扣櫬遣車惟兄惟弟誰云不痛

永絕遺體石刻

大唐故韓君之墓誌

君諱寶才長安人也君德行著於鄉閭物義芳於鄰里不謂天降痾疹漸加困劣名醫頻療曾不見瘳忽以咸亨四年歲次己酉十月朔廿九日卒於京城懷德之第春秋七十有三遂以其年十二月九日殯於京城西布政之原小巖村之左恐年代遷移墳將雕落勒茲玉琬以記其處乃為銘曰

然君孝口莫不恭順生前著芳沒後留潤石刻

口處士張君墓誌銘 并序

君諱景之字仲陽功曹府君之第二子也沈默少言
博涉史傳每慕於陵仲子之為人好稼穡樂名教家
無擔石之儲晏如也不應州郡之辟專以琴書自娛
春秋卅有四以唐之咸亨四年十二月十二日卒於
家子嶠志學而孤俯遂成立天不悔禍俄隨怛化嗣
孫逃歲在垂齟莫醉攸託學釐孀藐遞相憑附固乃
哀纏中外痛傷心目者焉余與晦之以為小年雖遠
大暮同歸松城合兆蒸蒸有寄乃以大周天授之三
年正月六日改卜先墳於安養縣之西相城里移諸

兄弟並窆於新塋之內青鳥効吉白楸速朽惟堯典
與孝經共天長而永久乃為銘曰

念彼生涯循茲怛化川有閱水日無停駕其惜小年
同歸大夜令範將煙霞俱遠儀型與炎涼並謝痛萬
始之不留獨汎瀾而長喏石刻

王君諱留字留生墓誌銘 并序

君諱留生太原喬之裔也斯乃背符誌海記錄懸津
餐五雲於清朝吸三晨於暮景自可駕鶴遊金闕乘
鸞鶴王京踐遠祖之遺風習家崇之至道何期五芝
不効九轉無徵去咸亨五年正月廿五日卒於里第

春秋七十五權窆於劉村西以地多磐石下湧清泉
遂以其月五日改墳於伊楊村西一里與夫人張氏
合葬禮也恐田改碧溟岸移丹谷敬題玄礎永播芳
塵其詞曰

倚歟王子允矣淑人體道高尚味重懸津修福無効

奄致口淪其名價寂寒風雲蕭索月照孤壠雲愁絕

嶠一化今古千秋杳漠其二刻石

淨土寺西院故大德禪和尚塔銘

大師俗姓張氏太原人也諱修法白口英靈孤範獨
秀久學經論陶鍊精博識幽洞微朗鑒無罣忽弃浮

生口世如電開元年中於東都同德寺花嚴大師門
下稟學其時歸心如蜂蟻衆得意者如麟吾師曰言
卽無言說是無說廓然大曉頓會真如顏異於羣鏡
心秋月吾師印曰堪爲人師後畢麟角於天寶歲鞏
縣耆老淨土網維王城諮迎降斯開闡於廿年廣論
心地供養無綴來如雨花授學門人去任情任值安
使狂悖謀叛中華大師悒言曷逢亂世身癯苦腹知
世去流乾元四年十月廿九日夜儼然坐化壽筭僧
臈繁不能述但智德等稚童之年親蒙訓誨披衣剃
髮皆師指蹤碎身殞軀酬恩未足屬荒世儉子父相

屠在萬之間卅餘載今四方清泰歲稔時豐若不罄
捨浮財生居幻景峻岑南面崇造偷婆嵩少目前清
洛傍帶良工磨琢用答洪恩乃為銘曰

大師靈骨九何識知廣博經論實難促之心源洞啓
渤澥同漪幽鑒無滯世倫歎希琢磨刷鍊鎚光迸飛
刻石

按此碑末行題弟子上座智全僧澄真撰義嵩寶
珍是僧澄真撰皆弟子名非撰文人也

大唐故亡宮六品墓誌

承芳蘭蕙稟性松筠族茂五陵望雄六郡嬪風早著

柔範夙彰粵以良家言充永巷盤龍明鏡契玄鑒於
靈臺迴文綺機荷巧思於神府春秋六十以儀鳳四
年十月二日葬於城西禮也其詞曰

□暉週隙閱水驚川□辭明字永闕窮泉隴寒霄月
松深曙煙唯餘令範千載攸傳

石刻

大唐故祕閣歷生劉君墓誌銘 并序

君諱守忠字高節楚國彭城人也原夫元珪錫成擾
龍所以命氏金刀發彩斷虵所以握符況乎派別五
宗□□源而不測枝分再命播神業而逾芬其後雄
才接武揚粦□國逸氣成章鏡華七子曾祖和秀暎

嵇松彩韜潘壁得粹□於濠上靡輟逍遙獵元風於
 柱下無希寵辱祖延隨西平郡□隆縣令父□杞王
 府記室或馴翟舞鸞敷恭阜之良政或瑋簪珠履侍
 楚趙之英蕃君秀氣資靈元精毓粹纔登羈歲即蘊
 黃中之心未越齟齬先預元文之賞既而凝神圖史
 瀝思緹油步七耀而測環迴究六厯而稽踈密精通
 五劍有薛蜀之高風諾重百金負季布之奇意雖復
 用存過儉居滿誠於宥卮施而勿念並寡符於易象
 而福善茫昧神塗超忽臨溟激水翻閱逝於黃陂披
 霧觀天遽聞傾於趙日粵以咸亨五年七月廿一日

邁疾終於崇仁里第春秋卅卽以其年歲□甲戌八
 月壬寅朔十三日庚寅遷窆於高陽原之舊塋禮也
 元子志誠懼夜舟之移壑憂桑田之變海勒翠琰於
 元泉俾風徽而斯在其銘曰

上哉神□□矣靈條分枝炎漢錫胤伊堯白珩紫紱
 金螭華貂累□□□代躡清飈其一爰挺若人是稱奇

儁雕顰繡悅瓊敷玉振□□括羽莫窺牆似水鏡成
 姿徵商飛韻其二西景駿驅東川□□潘髮未見滕城

奄襲楸壠月寒松珽露泣儀形可泯徽猷靡戢其三
 大唐故瀛州□城縣令宋府君夫人王氏墓誌
石刻

銘并序

粵若二儀伊始靈坤於是育萬物雨氣聿初太陰以之調四序降三才之秀人道尊焉含四德之華母儀先矣上則處胎施教文母之雅範高馳下則徒里求仁孟母之芳猷遠舉其有流謙上善垂母訓於千齡稟度中和成母師於一代當仁有屬其在夫人者歟夫人諱□字□本北海劇人上業從官徙居宏農湖縣十代祖濬晉龍驤將軍自運正璿璣鳴簫大麓□野功班石罅分茅太昊之墟鳳凰于飛建千乘於滄溟之曲鴻鵠聳志懸三刀於碧落之前國史詳焉可

略而述祖詢邵州司法父機朱陽主簿並珪璋令望廊廟奇才驥伏小藩龍盤下邑夫人含章挺粹驪川鳳穴之祥稟秀資靈月宇星津之慶自移天景族對君子而如賓履順中闡奉慈姑而展孝德音無默謝閭逾清慈訓有方曹閨已肅加以凝神妙有睿想色空劒斷邪山梁通法海金文演說引花線而增誠寶塔莊嚴解珠瓔而不倦方期輔仁可怙求寶遐齡而藏壑難留俄悲大夜以永淳二年正月三日終于私第春秋七十六以光宅元年十月廿四日合葬于衡山舊營禮也子守元守敬等哀深陟岵痛極風枝叩

地無追號天罔訢遂乃圖芳紀德勒石鐫金庶存不朽乃為銘曰

若水延慶姚墟降祥有媯之後將育于姜仁基峻極

德派靈長茂實不墜遺苗克昌其一載誕溫柔降生儀

令玉潤牟質蘭芬比性內範肅恭中規雅正韶望允

屬德音斯盛其二天道反覆神理虛盈黃泉鄭燧白日滕

城草生馬躡塵飛鶴瑩圖芳篆懿勒此豐銘其三績

堂碑錄

語

